



Stručna služba Općinskog vijeća
i Općinskog načelnika

Broj: 01/1-02-3266-2/25
Breza, 06.11.2025.godine

Z A P I S N I K

sa održanog sastanka predsjednika Klubova parlamentarnih stranaka Općinskog vijeća Općine Breza koji je održan 06.11.2025.godine, sa početkom u 16:30 sati.

Sastanku su prisustovali predstavnici klubova parlamentarnih stranaka koje participiraju u Općinskom vijeću Breza i to:

- Smailbegović Mirza, predsjednik kluba „Naprijed“
- Jusić Haris, predstavnik kluba „SDA“
- Bukva Sanin, predsjednik kluba „SPU BiH i NiP“
- Tabaković Amina, predsjednik kluba „SDA-2“
- Čorbo Malik, predsjednik kluba „Breza 1“
- Rihčić Anel, predstavnik kluba „Breza 2“
- Velić Mirha, predstavnik kluba „NES/SDP“

Ispred Općinskog organa uprave: Općinski načelnik Jusić Vedad, pomoćnici/ce Općinskog načelnika Beširević Meliha, Gazdić Selma i Nefić Haris te sekretar Općinskog vijeća Mamela Tarik.

Sastankom je rukovodio predsjedavajući Općinskog vijeća Salkić Muamer.

Ad 1.

Utvrđivanje Dnevnog reda za 11. redovnu sjednicu Općinskog vijeća, kao i termina održavanja iste

Sastanak Kolegija je započeo u 16:30 sati.

Predsjedavajući Općinskog vijeća Salkić Muamer, Općinski načelnik Jusić Vedad i sekretar Općinskog vijeća Mamela Tarik upoznali su predsjednike i predstavnike Klubova o predloženim tačkama koje su nominirane od strane Službi te razloge za razmatranje i odlučivanje o istim na 11. redovnoj sjednici Općinskog vijeća.

Općinski načelnik Jusić Vedad i sekretar Općinskog vijeća Mamela Tarik upoznali su predsjednike i predstavnike Klubova da pored nominiranih tački koji su poslali uz Poziv za sastanak za 11. redovnu sjednicu Općinskog vijeća nominira se i prijedlog Zaključka o davanju saglasnosti za povećanje broja djece za 10% koji je propisan standardima po grupama u JU za predškolsko obrazovanje i vaspitanje „Umihana Čuvidina“ Breza.

Izneseni prijedlog je jednoglasno usvojen i imenovani zaključak je uvršten u Dnevni red sjednice.

Nakon učešća u raspravi prisutnih predlagача dnevnog reda, kao i predsjednika i predstavnika Klubova, dogovoreno je sljedeće:

Za 11. redovnu sjednicu Općinskog vijeća Breza predlaže se sljedeći dnevni red:

1. Razmatranje Zaključka i zauzimanju stava po dnevnom redu 59. vanredne sjednice Skupštine JP „Komunalno“ d.o.o. Breza i imenovanju punomoćnika
 - a) Razmatranje i usvajanje prijedloga Odluke o razrješenju vršioca dužnosti predsjednika i vršioca dužnosti članova Nadzornog odbora Javnog preduzeća „Komunalno“ d.o.o. Breza;
 - b) Razmatranje i usvajanje prijedloga Odluke o konačnom imenovanju članova Nadzornog odbora Javnog preduzeća „Komunalno“ d.o.o. Breza na period 4 (četiri) godine;
 - c) Davanje saglasnosti na prijedlog teksta Ugovora o angažmanu za rad u Nadzornom odboru imenovanih članova Nadzornog odbora Javnog preduzeća „Komunalno“ d.o.o. Breza;
 - d) Razmatranje i usvajanje prijedloga Odluke o odobrenju za zaključivanje Ugovora o angažmanu za rad u Nadzornom odboru s imenovanim članovima Nadzornog odbora Javnog preduzeća „Komunalno“ d.o.o. Breza.

Predlagač: Općinski načelnik;

2. Razmatranje i usvajanje prijedloga OGLASA za pozicije u reguliranim tijelima Općine Breza, Predlagač: Stručna služba Općinskog vijeća i Općinskog načelnika;
3. Razmatranje i usvajanje prijedloga Rješenja o imenovanju Komisije za provođenje izbora na pozicije u Upravnom i Nadzornom odboru Javne ustanove Centar za socijalni rad Breza i Javne ustanove Opća biblioteka „Muhamed Kantardžić“ Breza, Predlagač: Stručna služba Općinskog vijeća i Općinskog načelnika;
4. Razmatranje i usvajanje prijedloga Rješenja o imenovanju Komisije za provođenje izbora na pozicije Upravnom i Nadzornom odboru Javne ustanove za predškolsko obrazovanje i vaspitanje „Umihana Čuvidina“ Breza, Predlagač: Stručna služba Općinskog vijeća i Općinskog načelnika;
5. Razmatranje i usvajanje prijedloga Odluke o izmjenama Odluke o utvrđivanju područja na kojima se obavezno vrši prikupljanje i odvoz komunalnog otpada, Predlagač: Općinski načelnik;
6. Razmatranje i usvajanje prijedloga Odluke o izmjenama i dopuna Odluke o uslovima i načinu držanja pasa, te načinu postupanja sa napuštenim i izgubljenim psima na području općine Breza, Predlagač: Općinski načelnik;
7. Razmatranje i usvajanje prijedloga Odluke o osnivanju higijenskog servisa za životinje za područje općine Breza Predlagač: Općinski načelnik;
8. Razmatranje i usvajanje nacрта Odluke o bezbjednosti i organizaciji saobraćaja na putevima općine Breza, Predlagač: Općinski načelnik;
9. Razmatranje i usvajanje prijedloga Odluke o pravu prvenstva pružanja usluga djeci i osobama sa poteškoćama u razvoju i njihovim roditeljima/starateljima u javnim ustanovama i preduzećima u kojima je osnivač Općina Breza, Predlagač: Općinski načelnik
10. Razmatranje i usvajanje prijedloga Odluke o subvencioniranju korisnika stalne novčane pomoći i penzionera sa minimalnom penzijom, Predlagač: JU „Centar za socijalni rad“ Breza;
11. Razmatranje i usvajanje Odluke o davanju saglasnosti za brisanje dijela upisa u C teretnom listu u zemljišnoknjižnom ulošku broj: 2274 k.o. Breza Predlagač: Općinski načelnik;
12. Razmatranje i usvajanje Odluke o stavljanju van snage Odluke o visini naknade za uspostavljanje prava služnosti na zemljištu u vlasništvu Općine Breza i javnim dobrima kojima upravlja i raspolaže Općina Breza, Predlagač: Općinski načelnik;

13. Razmatranje i usvajanje Zaključka o davanju saglasnosti za povećanje broja djece za 10% koji je propisan standardima po grupama u JU za predškolsko obrazovanje i vaspitanje „Umihana Čuvidina“ Breza, Predlagač: Općinski načelnik.

Nakon što je predloženi dnevni red jednoglasno potvrđen predsjednici i predstavnici Klubova parlamentarnih stranaka Općinskog vijeća Općine Breza dogovorili su da se 11. redovna sjednica zakaže za 14.11.2025. godine (petak) sa početkom u 16:30^h.

Sastanak završen u 16:55 sati.

SEKRETAR
Općinskog vijeća
Mamela Tarik, s.r

PREDSJEDAVAJUĆI
Općinskog vijeća
Salkić Muamer, s.r



Broj: 01/1-02-2671-6/25
Breza, 01.10.2025. godine

Z A P I S N I K

sa DESETE REDOVNE SJEDNICE Općinskog vijeća Breza, održane dana 01.10.2025. godine sa početkom u 16:30 sati, u prostorijama Općine Breza – sala Općinskog vijeća

Sjednicom je predsjedavao predsjedavajući Općinskog vijeća Salkić Muamer.

Na početku sjednice izvršena je prozivka vijećnika, te je konstatovano da sjednici Općinskog vijeća prisustvuje 15 vijećnika.

Vijećnici Jekalović Sabir, Jusić Haris i Rihic Anel su opravdali odsustvo sa sjednice, dok je vijećnik Begić Haris najavio kašnjenje na sjednicu.

Osim vijećnika sjednici Općinskog vijeća prisustvovali su: Općinski načelnik Vedad Jusić, pomoćnici/ce Općinskog načelnika Beširević Meliha, Gazdić Selma i Herco Huso, predstavnik Službe za privredu Došlić Jasmina, sekretar Općinskog vijeća Mamela Tarik, te kao gost zamjenica pravobranioca Telalović Dženana.

Primjedbi na Zapisnik sa devete redovne sjednice Općinskog vijeća nije bilo, nakon čega je proveden postupak glasanja te je konstatovano da je Zapisnik sa devete redovne sjednice jednoglasno sa 15 glasova ZA usvojen.

Predsjedavajući je upitao da li neko ima primjedbe na dostavljene odgovore na vijećnička pitanja i inicijative sa prošle sjednice Općinskog vijeća, kako istih nije bilo, vijećnici su imali priliku postavljati nova vijećnička pitanja, odnosno inicijative.

- Vijećnik Čorbo Malik je za sjednicu pripremio jednu vijećničku inicijativu. Dana 04.06.2025.godine je podnio inicijativu da se poduzmu mjere sa ciljem povećanja saobraćajne bezbjednosti u naselju Župča, tom inicijativom naglasio je potrebu uvođenja horizontalne i saobraćajne signalizacije kako bi se smanjila opasnost nesavjesne i prebrze vožnje, te nakon navedene inicijative nadležna Općinska služba je samovoljno pristupila postavljanju ležećih policajaca, na pojedinim lokacijama, te tom prilikom nije vođena javna rasprava niti su vijećnici i građani konsultovani. Postavljeni ležeći policajci ne odgovaraju standardima, i ne rješavaju problem na adekvatan način, te se stvara utisak da je Vijećnik Čorbo Malik direktno odgovoran za izbor, mjere i način realizacije, i naglašava da vijećnici nemaju ovlasti da odlučuju o tehničkim rješenjima. Zahtjeva da se Vijeću dostavi detaljna hronologija postupanja nadležnih Službi nakon podnošenja inicijative, informacija o tome ko je i na osnovu kojih kriterija donio odluku o vrsti, broju i lokaciji postavljenih ležećih policajaca, te da li su postavljeni ležeći policajci u skladu sa važećim zakonskim i stručnim standardima, utvrđivanje odgovornosti nadležnih Službi, komisija za eventualne nepravilnosti ili nezadovoljstvo građana koje je uslijedilo nakon realizacije, informacije o mogućnosti korekcije postojećih stanja. Očekuje da se ovaj zahtjev ozbiljno razmotri, jer je u pitanju povjerenje građana. Također traži da se u budućnosti svaka ovakva realizacija provodi u otvorenom dijalogu sa mještanima i vijećnicima.
- Vijećnik Begić Jasmin za sjednicu ima dvije vijećničke inicijative, prva se odnosi na ispitivanje opravdanosti ograničenja brzine od 40 km/h na dijelu ceste R444 kod tržnog centra „Bingo“. Obzirom da je dionica u dobrom stanju, preglednost je dobra, smatra da

je ograničenje od 50 km/h opravdano. Druga inicijativa se odnosi na hitnu sanaciju kolovoza u Podžupči koja se nalazi na krivini, što dodatno predstavlja opasnost od saobraćajnih nesreća.

- Vijećnik Islamović Eldar podnio je jednu vijećničku inicijativu i jedno vijećničko pitanje. Podnosi Vijećničku inicijativu da nadležna Služba organizuje odvoz nasipnog materijala na lokalni put označen brojem 235 u naseljenom mjestu Vardište. Navedeni put je prohodan jer se nalazi pored mjesnog mezarja, i put je u jako lošem stanju. Mještani su izrazili spremnost i volju da nakon dovoza nasipnog materijala sami organizuju radove na zatezanju, ravnanju i uređenju puta. Vijećničko pitanje se odnosi na servisiranje postojećeg ili instalaciju novog semafora.
- Vijećnik Smailbegović Mirza ima vijećničko pitanje, koje je vezano u kojoj je fazi nabavka vozila za potrebe civilne zaštite, za dobrovoljno vatrogasno društvo?

Općinski načelnik Jusić Vedad kratko da se osvrnuo na vijećnička pitanja i vijećničke inicijative, pa dodaje kada je u pitanju postavljanje ležećih policajaca u Župči, da se radi ne samo o vijećničkoj inicijativi, nego o dostavljenom zahtjevu, od strane mjesne zajednice, tako da se ne može provjeravati da li je sprovedena rasprava zbog toga, te ako je dostavljen potpisan akt od strane mjesne zajednice, da nadležne Općinske službe takav akt smatraju validnim i relevantnim. Kada je u pitanju ograničenje brzine na regionalnoj cesti kod trhovačkog centra „Bingo“, sličnog je razmišljanja, te je u fazi postavljanje radara na tom području i shodno toj inicijativi, svakako će uputiti zahtjev Direkciji za ceste, zajedno da Policijskom stanicom, da se ograničenje podigne sa 40 na 50 km/h. Kada je u pitanju servisiranje semafora, smatra da je izgradnja kružnog toka puno bolja opcija od semafora, a da će se nastojati zadržati semafrska signalizacija na nekoj drugoj lokaciji zbog omogućavanja polaganja vozačkih ispita u našoj općini. Ističe da su prije godine radili analize i tražili ponude za postavljanje novih semafora, i tada su dobili ponudu između tridesetipet i četrdeset hiljada maraka. Dodaje da je prije dva dana okončana javna nabavka za vatrogasno vozilo, ali nažalost nije bilo prijavljenih ponuđača.

Nakon što je utvrđeno da nema više vijećnički pitanja i inicijativa predsjedavajući Općinskog vijeća je prešao na utvrđivanje Dnevnog reda.

Općinski načelnik Jusić Vedad je u skladu sa članom 58. Poslovnika o radu Općinskog dao prijedlog o dopuni Dnevnog reda, u smislu uvrštavanja još dvije tačke Dnevnog reda. Radi se potrebi donošenja Odluke o prihvatanju donacije za realizaciju projekta sanacija nekategorisanog puta na zemljištu označenom kč 2025/4 i 2514 ko Mahala sa sanacijom vodovodne i kanalizacione mreže u naselju Krčevine Općina Breza i Odluke o davanju saglasnosti na zaključivanje ugovora o kupovini zemljišta za potrebe izgradnje cestovne infrastrukture u poslovnoj zoni Šaš.

.Predsjedavajući Općinskog vijeća Salkić Muamer dao je na glasanje prijedlog Općinskog načelnika Jusić Vedada o dopuni Dnevnog reda.

Nakon provedenog postupka glasanja, konstatovano je da je jednoglasno, sa 15 glasova ZA, prijedlog o dopuni Dnevnog reda usvojen.

U nastavku sjednice, predsjedavajući Općinskog vijeća dao je na glasanje dopunjeni Dnevni red. Nakon provedenog postupka glasanja, konstatovano je da je jednoglasno, sa 15 glasova ZA, usvojen sljedeći:

DNEVNI RED

1. Razmatranje i usvajanje Izvještaja o radu Općinskog pravobranilaštva Breza za 2024. godinu, Izvjestioc: Općinsko pravobranilaštvo;
2. Razmatranje i usvajanje prijedloga Odluke o izmjeni Odluke o građevinskom zemljištu, Predlagač: Općinski načelnik;

3. Razmatranje i usvajanje Zaključka o Izvještaju i potvrđivanju rezultata izbora za članove savjeta mjesnih zajednica na području općine Breza koji su održani 06.07.2025. godine, Predlagač: Općinski načelnik;
4. Razmatranje i usvajanje Informacije o izvršenju budžeta Općine Breza za period 01.01.2025.-30.06.2025.godine, Predlagač: Općinski načelnik;
5. Razmatranje i usvajanje Izvještaja o radu udruženja građana koji su finansirani iz Budžeta Općine Breza u 2024. godini, Predlagač: Općinski načelnik;
6. Razmatranje i usvajanje Zaključka o pokretanju aktivnosti na izmjenama i dopunama Odluke o bezbjednosti saobraćaja na putevima Općine Breza, Predlagač: Općinski načelnik;
7. Razmatranje i usvajanje Zaključka o provedbi mjera za unaprijeđenje sigurnosti komunalne infrastrukture i drugih objekata koji predstavljaju potencijalnu opasnost za građane i imovinu, Predlagač: Kolegij Općinskog vijeća.
8. Razmatranje i usvajanje prijedloga Odluke o prihvatanju donacije za realizaciju projekta sanacija nekategorisanog puta na zemljištu označenom kč 2025/4 i 2514 ko Mahala sa sanacijom vodovodne i kanalizacione mreže u naselju Krčevine Općina Breza, Predlagač: Općinski načelnik;
9. Razmatranje i usvajanje prijedloga Odluke o davanju saglasnosti na zaključivanje ugovora o kupovini zemljišta za potrebe izgradnje cestovne infrastrukture u poslovnoj zoni Šaš, Predlagač: Općinski načelnik.

17:00 sati vijećnik Begić Haris dolazi na sjednicu

Ad 1.

Razmatranje i usvajanje Izvještaja o radu Općinskog pravobranilaštva Breza za 2024. godinu

Zamjenik Općinskog pravobranioca Telalović Dženana ističe da je Općinsko pravobranilaštvo nezavisan organ koji zastupa Općinu Breza i njene organe, koji se finansiraju iz budžeta Općine Breza. Svi oblici zastupanja u izvještajnom periodu su bili prisutni, u sudskim i upravnim postupcima te da se Općinsko pravobranilaštvo se pojavljivalo u ulozi zakonskog zastupnika Općine Breza. Organi i tijela koja zastupa Općinsko pravobranilaštvo, dužni su Općinskom pravobranilaštvu da dostavljaju sve podatke vezane za pojavljivanje bilo kakve situacije u kojoj je Pravobranilaštvo nadležno i zastupa interese Općine Breza.

Vijećnik Smailbegović Mirza prije sve ističe primjedbu na sam izvještaj, smatra da redoslijedom nije prikazan status svih predmeta, broj predmeta, vrste sporova, iznos utuženja. Također ga zanima zašto gosp. Telalović još uvijek ima status zamjenika pravobranioca, kada je već duži vremenski period upražnjeno mjesto Općinskog pravobranioca.

Zamjenik Općinskog pravobranioca Telalović Dženana ističe da je rješenjem imenovana na poziciju zamjenika Općinskog pravobranioca. Prema odluci o osnivanju Pravobranilaštva Općine Breza, propisano je da Općinsko pravobranilaštvo ima Općinskog pravobranilaca, zamjenika Općinskog pravobranilaca i jednog namještenika.

Vijećnik Smailbegović Mirza dodaje da je pitanje postavljeno isključivo jer se zna kada je Općinski pravobranilac razriješen svoje dužnosti, pa mu je i dalje nejasno zašto je i dalje zamjenik.

Zamjenik Općinskog pravobranioca Telalović Dženana također ističe da je u prethodnim godinama zbog projekta usaglašavanja zemljišnih knjiga sa podacima novog premjera, Općina Breza imala enormna povećanja postupaka. U svim tim postupcima, Općina Breza je isticala prigovor promašene pasivne legitimacije, gdje je utvrđeno da pravni sljedbenik opštenarodne imovine nije Općina Breza kao jedinica lokalne samouprave. Nakon revizije Općine Breza, Vrhovni sud FBiH promijenio je stav i utvrdio da je pasivno legitimisana država Bosna i Hercegovina, tako da je tom presudom smanjen broj predmeta koji se vode protiv Općine Breza. Ističe da je formirana komisija u vezi sa ujedom pasa u sklopu preventivnog djelovanja Pravobranilaštva. Komisija radi po zahtjevima tako da godišnje imaju oko petnaest predmeta

koji se riješe mimo suda. Dodaje da je u izvještaju prikazano da je Općina Breza imala parnične postupke vezano za takve slučajeve.

Vijećnik Smailbegović Mirza dodaje da ga interesuje tužba od strane pravnog lica za naknadu štete u iznosu od preko pet miliona maraka.

Zamjenik Općinskog pravobranioca ističe da je Općinsko pravobranilaštvo detaljno izložilo navedenu tužbu tog pravnog lica, vlasnika na lokalitetu Sutješćica, zbog navodne nemogućnosti građenja i prodaje stambenih objekata na građevinskom zemljištu. Navedeni predmet je u pripremnoj fazi ročišta, gdje na zahtjev tužitelja već više puta navedeno ročište odlaže. Cijeli spor je nastao oko različitog tumačenja prostornog plana Općine Breza i Odluke o provođenju nevedenog prostornog plana od strane Općina Breza i njenih Službi koji rješavaju po zahtjevu investitora za izdavanje, urbanističkih saglasnosti na lokalitetu proširenog građevinskog zemljišta u mjestu Sutješćica. Općina Breza se obavezala da će izvršiti snimanje navedenog zemljišta i izradu odgovarajućeg elaborata radi utvrđivanja stabilnosti navedenog zemljišta. Stav Općine Breza je da je zabranjena gradnja u tim granicama proširenog zemljišta sve dok se ne izvrši sanacija klizišta, dok je stav drugostepenog organa da Općina Breza treba izvršiti obaveze koje je preuzela navedenom odlukom. Ta rješenja kojima se zabranjivalo građenje na tom području više puta su poništena od Ministarstva sa takvom uputom i radi toga je investitor smatrao da je oštećen, te je pokrenuo je parnični postupak.

Predsjedavajući Općinskog vijeća Salkić Muamer je sugerisao vijećniku Smailbegović Mirzi na propise Poslovnika o radu Općinskog vijeća koji se odnose na diskusiju i postavljanje jasno definisanog broja pitanja, te da Pravobranilaštvo može a i ne mora odgovarati na pitanja koja nisu u skladu sa Poslovnikom.

Vijećnik Smailbegović Mirza dodaje da protestuje na mišljenje Predsjedavajućeg, ali ukoliko smatraju da treba da stane da pitanjima, da poštuje.

Predsjedavajući Općinskog vijeća Salkić Muamer je stava da se može i pismeno odgovoriti na pitanja vijećnika koja se postavljaju u toku sjednice vijeća.

Vijećnik Smailbegović Mirza smatra da je jako važno da priča o tužbi od pet miliona. Želi da postavi pitanje vezano za drugostepeni organ, da li se pokušalo sa investitorom na bilo koji način, sporazumno riješiti ovaj spor?

Zamjenik Općinskog pravobranioca Telalović Dženana misli da je pravni zastupnik tužitelja, iznio takav stav, ali da do samog kontakta nije došlo.

Vijećnik Smailbegović Mirza dodaje da je iz izvještaja vidljivo da su izvršni postupci za ovu godinu povećani u odnosu na ranije, pa ga interesuje vrsta postupaka koji su povećanu u odnosu na ranije?

Zamjenik Općinskog pravobranioca Telalović Dženana ističe da je u ranijem izlaganju objašnjeno u kojim predmetima je Općina Breza tražila izvršenje, a u kojim je predmetima Općina Breza izvršenik.

Učesnika u raspravi više nije bilo, te je predsjedavajući Općinskog vijeća dao na glasanje sljedeći Zaključak:

ZAKLJUČAK

I

USVAJA SE Izvještaj o radu Općinskog pravobranilaštva Breza za period 01.01.-31.12. 2024. godinu.

II

Zaključak objaviti u „Službenom glasniku Općine Breza“.

Nakon provedenog postupka glasanja, predloženi Zaključak je jednoglasno, sa 16 glasova ZA, usvojen.

Ad 2.

Razmatranje i usvajanje prijedloga Odluke o izmjeni Odluke o građevinskom zemljištu

Općinski načelnik Jusić Vedad je naveo da postojeća Odluka ne tretira određene pravne situacije u skladu sa zakonskim odredbama iz ove oblasti i u tom smislu predlaže se izmjena ove aktuelne Odluke o građevinskom zemljištu.

Učesnika u raspravi nije bilo, te je nakon provedenog postupka glasanja konstatovano da je Odluka jednoglasno, sa 16 glasova ZA, usvojena.

Ad 3.

Razmatranje i usvajanje Zaključka o Izvještaju i potvrđivanju rezultata izbora za članove savjeta mjesnih zajednica na području općine Breza koji su održani 06.07.2025. godine

Općinski načelnik Jusić Vedad ističe da je Općinsko vijeće donijelo Odluku o raspisivanju izbora u mjesnim zajednicama, nakon što je pokrenuta procedura, imenovana je izborna komisija, izbori su provedeni u određenim područjima, a na onim mjestima gdje izbori nisu realizovani, biti će do kraja tekuće godine. Nakon donošenja zaključka o izvještaju o prihvatanju novih rezultata, Općina Breza će kroz resorne Službe izvršiti i upis izabranih predsjednika mjesnih zajednica, i dodijeliti im mandate na period od četiri godine.

Učesnika u raspravi nije bilo, te je predsjedavajući Općinskog vijeća dao na glasanje sljedeći Zaključak.

Z A K L J U Č A K

I

Usvaja se Izvještaj i potvrđuju se rezultati izbora za članove savjeta mjesnih zajednica na području općine Breza koji su održani 06.07.2025. godine.

II

Rezultate izbora za članove savjeta mjesnih zajednica na području općine Breza objaviti na web stranici Općine Breza i Službenom glasniku Općine Breza.

III

Za naseljena mjesta Bulbulušići, Založje – Krčevine, Podgora, Župča, Podžupča, Mahmutovića Rijeka, Breza I, II, III i Vardište ponovo provesti izborni proces shodno odredbama Odluke o raspisivanju i održavanju izbora za članove savjeta mjesnih zajednica na području općine Breza.

IV

Za realizaciju rezultata izbora zadužuje se Služba za privredu.

Za realizaciju tačke III zadužuje se Služba za privredu i Komisija za provođenje izbora za članove savjeta mjesnih zajednica.

Rok za realizaciju tačke III Zaključka 30 dana od dana objave Zaključka u „Službenom glasniku Općine Breza“.

V

Zaključak objaviti u „Službenom glasniku Općine Breza“.

Nakon provedenog postupka glasanja, predloženi Zaključak je jednoglasno, sa 16 glasova ZA, usvojen.

Ad 4.

Razmatranje i usvajanje Informacije o izvršenju budžeta Općine Breza za period 01.01.2025.-30.06.2025.godine

Općinski načelnik Jusić Vedad pozvao je i pomoćnicu Beširević Melihu, da se uključi u raspravu po ovoj tački i da konkretnija objašnjenja. Načelnik Jusić navodi, da po iskustvu načelnika iz ranijih budžeta, prihod u budžetu jako je stabilan. Prvih šest mjeseci budžetske godine su mjeseci pripreme, usvajanja planova, javnih nabavki i raspisivanja javnih nabavka, a najveći dio infrastrukturnih radova slijedi u drugoj polovini godine. Uz ovaj izvještaj dostavljen je izvještaj Komisije u kojem se nalaze prijedlozi i smjernice komisije za budžet u smislu dostavljanja jasnog pregleda obaveza Općine Breza. Općina Breza nema dugovanja prema dobavljačima u odnosu na aktuelne radove.

Pomoćnica načelnika Beširević Meliha smatra da je načelnik detaljno objasnio sve potrebno. Nastojat će završiti što više planiranih projekata.

Vijećnik Smialbegović Mirza upućuje čestitku na izvršenju budžeta. Ima pitanje vezano za trošenje budžetske rezerve. Budžetska rezerva od sto hiljada maraka, a jedna stavka se tiče utroška i pokretanja pretovarna stanica, gdje su izdaci 64.690, 00 KM, pa ga zanima na šta se to konkretno odnosi i gdje je upućeno? Također tekući transfer nije detaljno prikazan, kojim udruženjima i fondacijama je isplaćen navedeni iznos?

Općinski načelnik Jusić Vedad dodaje da budžetska rezerva koja se planira već prethodnih nekoliko budžeta uglavnom se troši kao novac koji je dopuna potrebama za koje nedostaje novca, kako bi realizirali neki projekat. Budžetska rezerva se nikad nije trošila za nešto nepotrebno, nego se radi o projektu mobilne pretovarne stanice sa ukupnim sistemom za preradu i reciklažu otpada. Kada je u pitanju transfer neprofitnim organizacijama, na kraju godine biti će dostavljen izvještaj o finansiranju svih neprofitnih organizacija. Sredstva se dodjeljuju transparentno.

Predsjedavajući Općinskog vijeća Salkić Muameri želi da se osvrne na utrošak sredstava na ekonomskom kodu 61541 koji se odnosi na kapitalne grantove JP i JU na području naše Općine, gdje je utrošak nula, obzirom da je prošlo šest mjeseci, interesuje ga kakve su šanse da ovaj utrošak bude približan planiranom?

Općinski načelnik dodaje da kada je u pitanju JP Komunalno, da je planirani granit dijelom umanjen, za Veterinarska stanicu tekući transfer je isplaćen, dok je kapitalni gant još na čekanju, u smislu izvršenja, a što se tiče Doma zdravlja čeka se da se završi projekat izgradnje hitne pomoći, također je za vrtiću toku rješavanje imovinsko pravnih odnosa.

Učesnika u raspravi više nije bilo, te je predsjedavajući Općinskog vijeća dao na glasanje sljedeći Zaključak:

ZAKLJUČAK

I

USVAJA SE Informacija o izvršenju budžeta Općine Breza za period 01.01.2025.-30.06.2025.godine.

II

Zaključak objaviti u „Službenom glasniku Općine Breza“.

Nakon provedenog postupka glasanja, predloženi Zaključak je jednoglasno, sa 16 glasova ZA, usvojen.

Ad 5.

Razmatranje i usvajanje Izvještaja o radu udruženja građana koji su finansirani iz Budžeta Općine Breza u 2024. godini

Općinski načelnik Jusić Vedad je naveo da je izvještaj pripremila nadležna Služba, stručni saradnik koji vodi evidenciju o potrebama udruženja.

Predsjedavajući Općinskog vijeća Salkić Muamer iznio je konstataciju o sredstvima koja su izdvojena prošle godine za rad udruženja, a to je oko 4% od ukupnog budžeta Općine Breza, te da u izvještaju nije jasno koliko udruženja apliciraju prema drugim nivoima vlasti.

Općinski načelnik Jusić Vedad je predložio da sva udruženja koja se finansiraju iz budžeta u zadnje dvije godine učestvuju u radu tematske sjednice, a sve sklopu donošenja odluka o raspodjeli sredstava udruženja, kao i da sva udruženja kroz svoje predstavnike prezentuju u kratkim crtama utrošak ukupnih sredstava.

Predsjedavajući Općinskog vijeća predlaže da se u toku izrade plana rada Općinskog vijeća za 2026.godinu, uvrsti se ova tačka za razmatranje..

Vijećnik Salkić Osman smatra da bi bilo dobro da nadležna Općinska Služba, koja se bavi pitanjima aplikacija udruženja, kada su u pitanju budžetska sredstva Općina Breza definitivno uzme u obzir kriteriji koliko sredstava pojedina udruženja realizovala u protekloj godini i iz ostalih izvora finansiranja mimo Općinskog budžeta. Stiće se dojam da su pojedina udruženja oslonjena na Općinski budžet.

Učesnika u raspravi više nije bilo, te je predsjedavajući Općinskog vijeća dao na glasanje sljedeći Zaključak:

ZAKLJUČAK

I

USVAJA SE Izvještaj o radu udruženja građana koji su finansirani iz Budžeta Općine Breza u 2024. godini.

II

Zaključak objaviti u „Službenom glasniku Općine Breza“.

Nakon provedenog postupka glasanja, predloženi Zaključak je jednoglasno, sa 16 glasova ZA, usvojen.

Ad 6.

Razmatranje i usvajanje Zaključka o pokretanju aktivnosti na izmjenama i dopunama Odluke o bezbjednosti saobraćaja na putevima Općine Breza

Općinski načelnik Jusić Vedad ističe da je zamolio Sekretara da prije sjednice dostavi svim vijećnicima zaključak Skupštine ZE-DO kantona, koji je uputio preporuku jedinicama lokalne samouprave na području ZE-DO kantona, u okviru svojih nadležnosti i aktima kojima se uređuje organizacija, uslovi i pravila sigurnosti saobraćaja na javnim saobraćajnim površinama.

Učesnika u raspravi više nije bilo, te je predsjedavajući Općinskog vijeća dao na glasanje sljedeći Zaključak:

ZAKLJUČAK

I

NALAŽE SE Službi za privredu Općine Breza da pokrene aktivnosti na izmjenama i dopunama Odluke o bezbjednosti saobraćaja na putevima Općine Breza (“Službeni glasnik Općine Breza”, broj: 6/11).

II

Da Služba za privredu Općine Breza sa Stalnim radnim tijela Općinskog vijeća do naredne 11. redovne sjednice Općinskog vijeća pripremi prijedlog Odluke o izmjenama i dopunama Odluke o bezbjednosti saobraćaja na putevima Općine Breza.

III

Zaključak objaviti u „Službenom glasniku Općine Breza“.

Nakon provedenog postupka glasanja, predloženi Zaključak je jednoglasno, sa 16 glasova ZA, usvojen.

Ad 7.

Razmatranje i usvajanje Zaključka o provedbi mjera za unaprijeđenje sigurnosti komunalne infrastrukture i drugih objekata koji predstavljaju potencijalnu opasnost za građane i imovinu

Predsjedavajući Općinskog vijeća je upoznao vijećnike da je na Kolegiju na prijedlog vijećnika Smailbegović Mirze zauzet stav o potrebi donošenja zaključka..

Vijećnik Smailbegović Mirza ističe da povodom nesretnog slučaja stradanja našeg sugrađana, koji je upao u kanalizaciju cijev, smatra da je donošenja ovakvog zaključka neophodno, u cilju poduzimanja mjera kako bi se unaprijedila komunalna infrastruktura.

Učesnika u raspravi više nije bilo, te je predsjedavajući Općinskog vijeća dao na glasanje sljedeći Zaključak:

ZAKLJUČAK

I

SUGERIŠE SE svim pravnim licima i ustanovama čiji je osnivač Općina Breza i kojima upravlja Općina Breza da poduzmu sve potrebne aktivnosti na unaprijeđenju mjera komunalne infrastrukture u cilju smanjenja opasnosti za lica i imovinu građana općine Breza.

II

Zaključak objaviti u „Službenom glasniku Općine Breza“.

Nakon provedenog postupka glasanja, predloženi Zaključak je jednoglasno, sa 16 glasova ZA, usvojen.

Ad 8.

Razmatranje i usvajanje prijedloga Odluke o prihvatanju donacije za realizaciju projekta sanacija nekategorisanog puta na zemljištu označenom kč 2025/4 i 2514 ko Mahala sa sanacijom vodovodne i kanalizacione mreže u naselju Krčevine Općina Breza

Općinski načelnik Jusić Vedad u svome izlaganju je obrazložio da se javio donator sa zahtjevom za donaciju navedenog projekta, zahtjev je obrađen od strane resorne Službe i dostavljen Općinskom vijeću na usvajanje. Ukoliko vijeće usvoji predloženu Odluku, izvođač će pristupiti radovima.

Učesnika u raspravi nije bilo, te je nakon provedenog postupka glasanja konstatovano da je Odluka jednoglasno, sa 16 glasova ZA, usvojena.

Ad 9.

Razmatranje i usvajanje prijedloga Odluke o davanju saglasnosti na zaključivanje ugovora o kupovini zemljišta za potrebe izgradnje cestovne infrastrukture u poslovnoj zoni Šaš

Učesnika u raspravi nije bilo, te je nakon provedenog postupka glasanja konstatovano da je Odluka jednoglasno, sa 16 glasova ZA, usvojena.

Ovom tačkom iscrpljen je Dnevni red sa 10. redovne sjednice Općinskog vijeća Breza.

Sastavni dio zapisnika čini i tonski zapis sjednice.

SEKRETAR OPĆINSKOG VIJEĆA

Tarik Mamela, s.r

PREDSJEDAVAJUĆI

Općinskog vijeća
Salkić Muamer, s.r

Komisija za provođenje javnog konkursa
za izbor i imenovanje članova Nadzornog odbora
JP „Komunalno“ d.o.o. Breza

Broj: 1806-16-07-58-8.-3/25
Breza, 22.10.2025. godine

Z A P I S N I K

o obavljenom intervjuu sa kandidatima koji su prošli formalno – pravnu proceduru imenovanja i utvrđivanje prijedloga rang - liste za konačno imenovanje članova Nadzornog odbora JP „Komunalno“ d.o.o. Breza

Komisija u sastavu :

1. Tarik Mamela, predsjednik komisije,
2. Ajsela Likić, član komisije
3. Ramiza Frljak, član komisije

imenovana je Odlukom Skupštine JP „Komunalno“ d.o.o. Breza broj: 1806-16-07-58-8./25 od 16.07.2025. godine, sa zadatkom da po isteku roka za podnošenje prijave na osnovu Javnog konkursa za izbor i imenovanje člana Nadzornog odbora JP „Komunalno“ d.o.o. Breza sastavi listu s užim izborom najboljih kandidata koji ispunjavaju kriterije za imenovanje te iste pozove na intervju. Nakon obavljenog intervjua Komisija za izbor će putem pisane preporuke predložiti rang listu odgovornom javnom službeniku sa najboljim kandidatima i dostaviti Skupštini preduzeća u skladu sa odredbama Statuta preduzeća zakona o vladinim, ministarskim i drugim imenovanjima FBiH.

Mandat članova nadzornog odbora koji su bili imenovani na period 4 (četiri) godine je istekao te su se stvorili uslovi za raspisivanje i provođenje novog javnog konkursa.

Javni konkurs za izbor i imenovanje članova Nadzornog odbora JP „Komunalno“ d.o.o. Breza Skupština je objavila u dnevnim novinama „Oslobođenje“ dana 19.09.2025. godine i u „Službenim novinama FBiH“ broj: 72/25 dana 19.09.2025. godine.

Skupština je imenovala Konkursnu komisiju za provođenje javnog konkursa za izbor i imenovanje člana Nadzornog odbora JP „Komunalno“ d.o.o. Breza Odlukom Skupštine JP „Komunalno“ d.o.o. Breza broj: 1806-16-07-58-8./25 od 16.07.2025. godine.

Krajnji rok za dostavljanje prijave je bio 03.10.2025. godine. Do krajnjeg roka je zaprimljeno 11 (jedanaest) blagovremenih prijava i to:

1. AMER (Ibrahim) HODOVIĆ,
2. ADNAN (Ahmed) AVDUKIĆ,
3. MEDINA (Seid) OMERHODŽIĆ,
4. MIRNES (Ibrahim) BAŠIĆ,
5. ADIS (Avdo) IMAMOVIĆ,
6. MIRZA (Amir) KOVAČ,
7. MIDHAT (Meho) KULIĆ,
8. AMINA (Faruk) JEKALOVIĆ,
9. IZET (Sead) ŠUVALIJA,
10. HARUN (Salem) ŠIŠIĆ,
11. ARMIN (Omer) NEFIĆ.

Komisija je nakon otvaranja pristiglih prijava na Javni konkurs za izbor i imenovanje člana Nadzornog odbora JP „Komunalno“ d.o.o. Breza, dana 13.10.2025. godine uputila poziv za intervju kandidatima čije su prijave formalno – pravno ispravne i to za 10 (deset)

kandidata. Jedna prijava nije ispunjavala formalno-pravne uslove propisane javnim konkursom.

Na Intervju se odazvalo 9 (devet) od 10 (deset) uredno pozvanih kandidata. Kandidat Midhat Kulić je odustao od intervju iz čega proizilazi da je kandidat odustao od dalje konkursne procedure za imenovanje članova Nadzornog odbora. Intervju je održan u maloj sali Općine Breza dana 17.10.2025. godine u 15,00 sati i 21.10.2025. godine u vremenu od 12,00 sati do 14,30 sati.

U toku intervju Komisija je osigurala da kandidati budu upoznati sa standardom ličnog integriteta koji se traži za lica imenovana na javnu poziciju, pitanja o sukobu interesa su objašnjena i razjašnjena detaljno kandidatima i kandidati su informisani o pravu javnosti putem mehanizama koji su navedeni u Zakonu o ministarskim, vladinim i drugim imenovanjima Federacije BiH.

Nakon izvršenog intervju Komisija je konstatovala da su kandidati pokazali znanje na intervjuu i u tom smislu je odlučeno da se prilikom pojedinačnog ocjenjivanja, kandidati ocijene pozitivnim ocjenama za pokazano znanje na intervjuu.

Nakon izvršenog pojedinačnog ocjenjivanja kandidata za pokazano znanje na intervjuu, Komisija je pristupila konačnom bodovanju kandidata na osnovu kriterija koji su utvrđeni Odlukom o postupcima, standardima i kriterijima imenovanja na pozicije u reguliranim organima općine Breza („Službeni glasnik Općine Breza“, broj: 11/21).

Nakon provedenog postupka bodovanja Komisija je utvrdila:

Prijedlog rang-liste kandidata za konačno imenovanje članova Nadzornog odbora JP „Komunalno“ d.o.o. Breza:

R.br.	Ime i prezime Kandidata	Kandidat ispunjava sve opće i posebne uslove Javnog konkursa	Ostvareni bodovi na Intervjuu	Uvjerjenje o iskustvu u organima rukovođenja odnosno upravljanja	UKUPNO
1.	ADNAN AVDUKIĆ	DA	50 b	DA 5b	55 b
2.	AMINA JEKALOVIĆ	DA	54 b		54 b
3.	MIRNES BAŠIĆ	DA	47 b		47 b
4.	MEDINA OMERHODŽIĆ	DA	45 b		45 b
5.	IZET ŠUVALIJA	DA	42 b		42 b
6.	AMER HODOVIĆ	DA	36 b	DA 5b	41 b
7.	HARUN ŠIŠIĆ	DA	39 b		39 b
8.	ADIS IMAMOVIĆ	DA	30 b		30 b
9.	MIRZA KOVAČ	DA	29 b		29 b

Komisija predlaže da u skladu sa izvršenim bodovanjem i ukupno osvojenim brojem bodova Odgovorni javni službenik - Općinsko vijeće imenuje kandidate koji su ispunili uslove Javnog konkursa za izbor i imenovanje članova Nadzornog odbora JP „Komunalno“ d.o.o. Breza sa prijedloga rang-liste, osim ako bi imenovanje kandidata s predložene liste s užim izborom dovelo do sukoba interesa u skladu s članom 12. Zakona o ministarskim, vladinim i drugim imenovanjima FBiH.

Stručna Komisija:

Tarik Mamela, predsjednik

Ajsela Likić, član

Ramiza Frljak, član

**Prijedlog rang-liste kandidata za konačno imenovanje članova Nadzornog odbora JP
„Komunalno“ d.o.o. Breza**

R.br.	Ime i prezime Kandidata	Ukupan broj ostavrenih bodova
1.	ADNAN AVDUKIĆ	55 b
2.	AMINA JEKALOVIĆ	54 b
3.	MIRNES BAŠIĆ	47 b
4.	MEDINA OMERHODŽIĆ	45 b
5.	IZET ŠUVALIJA	42 b
6.	AMER HODOVIĆ	41 b
7.	HARUN ŠIŠIĆ	39 b
8.	ADIS IMAMOVIĆ	30 b
9.	MIRZA KOVAČ	29 b

Stručna Komisija:
Tarik Mamela, predsjednik
Ajsela Likić, član
Ramiza Frljak, član

PRIJEDLOG

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće



Bosnia and Herzegovina
Federation of Bosnia and Herzegovina
Zenica-Doboj Canton
MUNICIPALITY OF BREZA
Municipal Council

Na osnovu člana 20. tačka 31. Statuta Općine Breza ("Službeni glasnik Općine Breza", broj: 7/21), člana 23. Statuta Javnog preduzeća „Komunalno“ d.o.o. Breza, broj: 1157-07-05-33-2/18 od 07.05.2018. godine i Odluke o usvajanju Prijedloga Odluke o izmjenama i dopunama Statuta JP „Komunalno“ d.o.o. Breza, broj: 3-03-02-51-3./23 od 03.02.2023. godine, a u vezi sa članom 9. Odluke o usklađivanju statusa Javnog preduzeća „Komunalno“ d.o.o. Breza sa Zakonom o javnim preduzećima u Federaciji Bosne i Hercegovine i Zakonom o privrednim društvima („Službeni glasnik Općine Breza, broj: 11/17 i 2/20) Općinsko vijeće Breza, na 11 (jedanaestoj) redovnoj sjednici održanoj dana __11.2025. godine, d o n o s i

Z A K L J U Č A K **o zauzimanju stava po dnevnom redu 59. vanredne sjednice Skupštine** **JP „Komunalno“ d.o.o. Breza i imenovanju punomoćnika**

I

Razmatrajući Dnevni red 59. vanredne sjednice Skupštine JP „Komunalno“ d.o.o. Breza Općinsko vijeće Breza, kao Osnivač zauzima sljedeći stav:

1. Ovlašteni punomoćnik Skupštine preduzeća će glasati ____ Prijedlog Odluke o razrješenju vršioca dužnostui predsjednika i vršioca dužnosti članova Nadzornog odbora JP „Komunalno“ d.o.o. Breza;
2. Ovlašteni punomoćnik Skupštine preduzeća će glasati ____ Prijedlog Odluke o konačnom imenovanju članova Nadzornog odbora JP „Komunalno“ d.o.o. Breza na period 4 (četiri) godine;
3. Ovlašteni punomoćnik Skupštine preduzeća će glasati ____ Prijedlog teksta Ugovora o angažmanu za rad u Nadzornom odboru imenovanih članova Nadzornog odbora JP „Komunalno“ d.o.o. Breza;
4. Ovlašteni punomoćnik Skupštine preduzeća će glasati ____ Prijedlog Odluke o odobrenju za zaključivanje Ugovora o angažmanu za rad u Nadzornom odboru s imenovanim članovima Nadzornog odbora Javnog preduzeća „Komunalno“ d.o.o. Breza

Kao Punomoćnik državnog kapitala koji će predsjedavati 59. vanrednom sjednicom JP „Komunalno“ d.o.o. koja će se održati dana __.11.2025. godine na prijedlog Općinskog načelnika imenuje se Operta Almin.

II

Zaključak objaviti u „Službenom glasniku Općine Breza“.

Broj: 01/1-02-____/25
Breza, __.11.2025.

PREDSJEDAVAJUĆI
Općinskog vijeća
Muamer Salkić s.r.



Adresa: Bogumilska br.1 tel, centrala 032/786-020, 032/786-061
fax.: 032/786-041, 032/786-021
e-mail: vijece@breza.gov.ba , www.breza.gov.ba



Pravni osnov:

Pravni osnov za donošenje ovog Zaključka se nalazi u:

- Članu 20. tačka 31. Statuta Općine Breza ("Službeni glasnik Općine Breza", broj: 7/21):

Član 19.

Općinsko vijeće u okviru svoje nadležnosti:

31. obavlja i druge poslove utvrđene zakonom i Statutom.

- članu 23. Statuta Javnog preduzeća „Komunalno“ d.o.o. Breza, broj: 1157-07-05-33-2/18 od 07.05.2018. godine

Član 23.

- (1) Skupština je najviši organ upravljanja Preduzeća.
 - (2) Skupština se održava u Brezi, po pravili u sjedištu Preduzeća, a izuzetno zbog vanderdnih okolnosti u sjedištu Osnivača.
 - (3) Predsjednik i članovi Nadzornog odbora i Uprava Preduzeća obavezno prisustvuju Skupštini bez prava odlučivanja.
 - (4) Funkciju Skupštine javnog preduzeća, putem punomoćnika, vrši Osnivač.
 - (5) Skupštinom predsjedava odnosno rukovodi punomoćnik Osnivača.
 - (6) Osnivač imenuje punomoćnika na prijedlog Općinskog načelnika.
 - (7) Prilikom odlučivanja na Skupštini, punomoćnik Osnivača mora dobiti prethodnu pisanu saglasnost Osnivača, te uputu o glasanju o slijedećim pitanjima:
 - a. Izvještaj o poslovanju,
 - b. Raspodjela dobiti,
 - c. Pokriće gubitka,
 - d. Dugoročni plan razvoja,
 - e. Imenovanju i razrješavanju članova Nadzornog odbora,
 - f. O drugim pitanjima kada to posebnom odlukom zatraži Osnivač.
 - (8) Ovlašteni punomoćnik potpisuje odluke i druge akte Skupštine Preduzeća.
- članu 9. Odluke o usklađivanju statusa Javnog preduzeća „Komunalno“ d.o.o. Breza sa Zakonom o javnim preduzećima u Federaciji Bosne i Hercegovine i Zakonom o privrednim društvima („Službeni glasnik Općine Breza, broj: 11/17 i 2/20)

Član 9.

Skupština javnog preduzeća je najviši organ upravljanja Javnog preduzeća.

Skupština Javnog preduzeća se, u pravilu, održava u Brezi, u sjedištu Javnog preduzeća.

Predsjednik i članovi Nadzornog odbora i Uprava Javnog preduzeća obavezno prisustvuju Skupštini bez prava odlučivanja.

Funkciju Skupštine javnog preduzeća, putem punomoćnika, vrši Osnivač.

Skupštinom predsjedava punomoćnik Osnivača.

Osnivač imenuje punomoćnika na temelju pisane punomoći koju potpisuje Općinski načelnik.

Prilikom odlučivanja na Skupštini, punomoćnik Osnivača mora dobiti prethodnu pisanu saglasnost Osnivača, te uputu o glasanju o slijedećim pitanjima:

- a) Izvještaj o poslovanju,
- b) Raspodjela dobiti,
- c) Pokriće gubitka,
- d) Dugoročni plan razvoja,
- e) Imenovanju i razrješavanju članova Nadzornog odbora,
- f) O drugim pitanjima kada to posebnom odlukom zatraži Osnivač.“

Razlozi za donošenje:

Razlozi za donošenje su sadržani u članu 23. Statuta Javnog preduzeća „Komunalno“ d.o.o. Breza, broj: 1157-07-05-33-2/18 od 07.05.2018. godine, a u vezi sa članom 9. Odluke o usklađivanju statusa Javnog preduzeća „Komunalno“ d.o.o. Breza sa Zakonom o javnim preduzećima u Federaciji Bosne i Hercegovine i Zakonom o privrednim društvima („Službeni glasnik Općine Breza, broj: 11/17) u kojem stoji da Skupštinu javnog preduzeća putem punomoćnika vrši Osnivač.

Članom 9. Odluke o usklađivanju statusa Javnog preduzeća „Komunalno“ d.o.o. Breza sa Zakonom o javnim preduzećima u Federaciji Bosne i Hercegovine i Zakonom o privrednim društvima („Službeni glasnik Općine Breza, broj: 11/17 i 2/20) između ostalog je propisano da funkciju Skupštine javnog preduzeća putem punomoćnika vrši Osnivač. Osnivač – Općinsko vijeće imenuje punomoćnika na prijedlog Općinskog načelnika, pri čemu za odlučivanje na Skupštini Punomoćnik od Osnivača dobiva Uputu o glasanju.

U skladu sa naprijed navedenim, predlaže se Općinskom vijeću da usvoji Zaključak u predloženom obliku.

Datum: 05.11.2025. godine

Pomoćnik načelnika
Haris Nefić



- P R I J E D L O G

Na osnovu člana 8. Zakona o ministarskim, vladinim i drugim imenovanjima Federacije BiH ("Službene novine FBiH", broj 12/03, 34/03 i 65/13) i člana 9. Odluke o postupcima, standardima i kriterijima na pozicije u reguliranim organima Općine Breza ("Službene novine Općine Breza", broj: 11/21) u postupku imenovanja na pozicije u reguliranim tijelima Općine Breza, Općinsko vijeće Breza, o b j a v l j u j e:

O G L A S

za pozicije u reguliranim tijelima Općine Breza

1. a) Predsjednik Upravnog odbora J.U za predškolsko obrazovanje i vaspitanje "Umihana Čuvidina" Breza, iz reda osnivača.....1
- član Upravnog odbora J.U. za predškolsko obrazovanje i vaspitanje "Umihana Čuvidina" iz reda osnivača..... 1
- član Upravnog odbora iz reda zaposlenih.....1
2. a) Predsjednik Upravnog odbora J.U. Opća biblioteka "Muhamed Kantardžić" Breza, iz reda osnivača.....1
- član Upravnog odbora J.U. Opća biblioteka "Muhamed Kantardžić" Breza iz reda osnivača.....1
- član Upravnog odbora iz reda zaposlenih.....1
b) Predsjednik Nadzornog odbora J.U. Opća biblioteka "Muhamed Kantardžić" Breza.....1
- član Nadzornog odbora J.U. Opća biblioteka "Muhamed Kantardžić" Breza.....2
3. a) Predsjednik Upravnog odbora J.U. Centra za socijalni rad Breza, iz reda osnivača.....1
- član Upravnog odbora J.U. Centar za socijalni rad Breza, iz reda osnivača.....1
- član Upravnog odbora iz reda zaposlenih.....1
b) Predsjednik Nadzornog odbora J.U. Centar za socijalni rad Breza.....1
- član Nadzornog odbora J.U. Centar za socijalni rad Breza.....2

OPIS POZICIJA

Predsjednik Upravnog odbora javnih ustanova rukovodi sjednicama Upravnog odbora; stara se o pripremi materijala za sjednice upravnog i o izvršenju akata Upravnog odbora i obaveza prema Općini Breza. Predsjednik Upravnog odbora obavlja i druge poslove utvrđene statutom i drugim općim aktima ustanova.

Predsjednik i članovi Upravnog odbora javnih ustanova nadziru rad i poslovanje direktora ustanove, raspolažu imovinom i kapitalom ustanove; utvrđuju politiku razvoja, razmatraju i

usvajaju izvještaje o poslovanju, predlažu raspodjelu dobiti, odnosno način pokrića gubitka, te obavljaju druge poslove u skladu sa zakonom i statutom javne ustanove.

Mandat predsjednika i članova upravnih odbora je 4 godine uz mogućnost ponovnog imenovanja u skladu sa zakonom.

Naknada za rad predsjednika i članova Upravnog odbora utvrđena je općim aktima ustanova.

Predsjednik Nadzornog odbora javnih ustanova rukovodi sjednicama nadzornog odbora; stara se o pripremi materijala za sjednice nadzornog odbora i o izvršenju akata Nadzornog odbora. Predsjednik Nadzornog odbora obavlja i druge poslove utvrđene statutom i drugim aktima ustanove.

Predsjednik i članovi Nadzornog odbora vrše kontrolu materijalno-finansijskog poslovanja, prate provođenje poslovne politike i izvršavaju druge poslove u skladu sa zakonom, statutom i općim aktima ustanove.

Mandat predsjednika i članova Nadzornog odbora je 4 godine.

Naknade za rad predsjednika i članova Nadzornog odbora utvrđena je općim aktima ustanova.

Kandidati za imenovanja na pozicije u reguliranim tijelima Općine Breza moraju ispunjavati opće i posebne uslove.

OPĆI USLOVI

Kandidat treba da ispunjava slijedeće opće uslove:

1. Da je državljanin Bosne i Hercegovine;
2. Da je stariji od 18 godina;
3. Da nije otpušten iz državne službe kao rezultat disciplinske mjere, bilo na nivou države ili entiteta i to u periodu od 3 (tri) godine računajući od dana objavljivanja Konkursa za upražnjenu poziciju;
4. Da nije pod optužnicom Međunarodnog suda za ratne zločine u bivšoj Jugoslaviji (član IX tačka 1. Ustava BiH);
5. Da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH („Službene novine Federacije BiH“, br. 12/03, 34/03 i 65/13);
6. Da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u FBiH („Službene novine Federacije BiH“, broj: 70/08);
7. Da nije osuđivan za krivično djelo i privredni prijestup nespojiv sa dužnošću u instituciji za koju se kandiduje, 5 (pet) godina od dana pravosnažnosti presude isključujući vrijeme zatvorske kazne;
8. Da nije lice kojem je pravosnažnom presudom Suda zabranjeno obavljanje aktivnosti u nadležnosti institucije u kojoj se kandiduje i
9. Da se protiv kandidata ne vodi krivični postupak.

POSEBNI USLOVI

Pored općih uslova, kandidat treba da ispunjava slijedeće posebne uslove:

1. Da ima VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja, VI stepen stručne spreme (VŠS) ili IV stepen stručne spreme (SSS);
2. Da ima najmanje 3 (tri) godine radnog iskustva nakon sticanja visoke stručne spreme, odnosno 5 (pet) godine radnog iskustva nakon sticanja više ili srednje stručne spreme;
3. Da ima stručno znanje iz oblasti organizacije, djelokruga i načina rada javne ustanove;
4. Da nije istovremeno predsjednik ili član Nadzornog ili Upravnog odbora ili Uprave drugog društva, ustanove ili institucije;
5. Da ima sposobnost upravljanja finansijskim sredstvima i ljudskim resursima, te da je sklon timskom radu;
6. Da ima sposobnost za savjesno, odgovorno i odlučno obnašanje pozicije, što će biti utvrđeno na intervjuu;
7. Da je zadovoljio stepen znanja tražen na intervjuu, i
8. Da ne postoji sukob interesa.

POTREBNI DOKUMENTI

Kandidati su dužni dostaviti sljedeće dokumente:

1. Prijavu na javni oglas koja obavezno sadrži: ime i prezime, adresu prebivališta, kontakt telefon i e-mail, naziv pozicije na koju se podnosi prijava, spisak dokumentacije koja se prilaže uz prijavu, datum prijave, potpis kandidata,
2. Kraću biografiju sa ličnim podacima,
3. Izvod iz matične knjige rođenih, original ili ovjerena fotokopija,
4. Uvjerenje o državljanstvu ne starije od 6 (šest) mjeseci, računajući od dana izdavanja,
5. Diploma o stečenom stručnom zvanju ovjerena fotokopija ne starija od 6 (šest) mjeseci,
6. Uvjerenje o radnom iskustvu koje ima važnost javne isprave,
7. Ovjerenu izjavu kandidata na okolnosti iz tački 3., 4., 5., 6., 7., 8., i 9.- Opći uslovi i tački 3., 4., 5., i 8.- Posebni uslovi,
8. Kandidati uz prijavu mogu dostaviti Uvjerenje o iskustvu u organima rukovođenja i upravljanja (Uvjerenje izdaje nadležni organ rukovođenja odnosno upravljanja). Kandidat koji dostavi navedeno uvjerenje biti će bodovan po navedenom kriteriju, odnosno kandidat koji uvjerenje ne dostavi po tom kriteriju neće biti bodovan.

Kandidati su dužni u prijavi na Javni oglas navesti serijski broj lične karte i naziv organa koji je izdao ličnu kartu, te će Komisija za izbor kandidata za prijem u radni odnos po raspisanom Javnom konkursu, u toku intervjua izvršiti uvid u istu radi provjere vjerodostojnosti navedenog dokumenta.

Lični podaci o učesnicima u Javnom konkursu su tajni i mogu se prikupljati i obrađivati u skladu sa Zakonom o zaštiti ličnih podataka Bosne i Hercegovine („Službeni glasnik Bosne i Hercegovine”, broj: 12/2025).

Napomena: Dokumenti koji se prilažu uz prijavu na Konkurs moraju biti original ili ovjerene fotokopije ne starije od 6 (šest) mjeseci.

PODNOŠENJE PRIJAVA

Javni oglas za podnošenje prijava ostaje otvoren 14 dana od dana objavljivanja oglasa i računa se od datuma objave u „Službenim novinama Federacije BiH“.

Podnosioci prijava s kojima se ne stupi u kontakt u roku od 8 (osam) dana od isteka roka za podnošenje prijava neće biti razmatrani u daljem procesu imenovanja.

Svi kandidati koji budu stavljeni na listu kandidata koji ispunjavaju uslove javnog oglasa biće pozvani na intervju pred Komisijom za izbor na pozicije u regularnim tijelima Općine Breza.

Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Obrasci se mogu popuniti neposredno prije intervjua.

Nakon intervjua Komisija će sačiniti rang-listu kandidata koji ispunjavaju uslove javnog oglasa za izbor na pozicije u regularnim tijelima Općine Breza, te je dostaviti Općinskom vijeću na daljnji postupak i odlučivanje.

Izabrani kandidati dužni su da u roku od 30 (trideset) dana od dana konačnog imenovanja dostave Stručnoj službi Općinskog vijeća i Općinskog načelnika slijedeća uvjerenja:

- da nije osuđivan za krivično djelo i privredni prijestup nespojiv sa dužnošću u instituciji za koju se kandiduje, 5 godina od dana pravosnažnosti presude isključujući vrijeme zatvorske kazne (uvjerenje ne smije biti starije od tri mjeseca);
- da nije lice kojem je pravosnažnom presudom Suda zabranjeno obavljanje aktivnosti u nadležnosti institucije u kojoj se kandiduje (uvjerenje ne smije biti starije od tri mjeseca);
- da se ne vodi krivični postupak (uvjerenje ne smije biti starije od tri mjeseca).

Ako u propisanom roku izabrani kandidat ne dostavi naprijed navedena uvjerenja, rješenje o konačnom imenovanju članova u tom dijelu ne proizvodi pravno dejstvo.

Zainteresovana stranka može podnijeti prigovor na konačno imenovanje pod uslovima propisanim Zakonom o ministarskim, vladinim i drugim imenovanjima Federacije BiH.

Prigovor na konačna imenovanja podnosi se Općinskom vijeću Općine Breza, a kopija se dostavlja Ombudsmenu BiH.

Oglas će biti objavljen u „Službenim novinama Federacije BiH“, u dnevnom listu „Oslobođenje“, na web stranici Općine Breza i na oglasnoj tabli Općine Breza, oglasnim tablama J.U za predškolsko obrazovanje i vaspitanje "Umihana Čuvidina" Breza, J.U. Opća biblioteka "Muhamed Kantardžić" Breza i JU „Centar za socijalni rad“ Breza.

Nepotpune i neblagovremene prijave neće se uzimati u razmatranje.

Prijave na javni konkurs dostaviti u zatvorenoj koverti sa naznakom:

„PRIJAVA NA JAVNI KONKURS - NE OTVARATI“

na adresu: OPĆINA BREZA, Komisija za izbor na pozicije u reguliranim tijelima Općine Breza, ulica Bogumilska broj 1. 71 370 Breza

Broj: 01/1-02-_____/25
Breza, ____ .11.2025. godine

Predsjedavajući
Općinskog vijeća
Salkić Muamer



- P R I J E D L O G

Na osnovu člana 9. Zakona ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03 i 65/13) i člana 20. Statuta Općine Breza („Službene novine Općine Breza“, broj: 7/21), Općinsko vijeće Breza na 11. redovnoj sjednici održanoj dana 14.11.2025. godine, na prijedlog Općinskog načelnika Breza, donosi:

R J E Š E N J E

**o imenovanju Komisije za provođenje izbora na pozicije
u Upravnom i Nadzornom odboru Javne Ustanove Centar za socijalni rad Breza i
Javne Ustanove Opća biblioteka „Muhamed Kantardžić“ Breza**

I

Imenuje se Komisija za izbor na pozicije predsjednika i članova Upravnog i Nadzornog odbora Javne Ustanove „Centar za socijalni rad“ Breza i Upravnog i Nadzornog odbora Javne Ustanove Opća biblioteka „Muhamed Kantardžić Breza, u sljedećem sastavu:

1. Mamela Tarik, predsjednik
2. Likić Ajsela, član
3. Omerhodžić Amela, član
4. Herco Huso, član
5. Dervišević Almir, član

II

Zadatak Komisije iz tačke I. ovog Rješenja je, da shodno principima Zakona o ministarskim, vladinim i drugim imenovanjima Federacije BiH i Odlukom o postupcima, standardima i kriterijima imenovanja na pozicije u reguliranim organima Općine Breza:

- objavi oglas na najefikasniji mogući način u „Službenim novinama Federacije BiH“, i barem jednom dnevnom listu velikog tiraža s ciljem da bude dostupan široj javnosti i web stranici Općine Breza,
- pregleda prijave pristigle u roku utvrđenom oglasom,
- sastavi listu s užim izborom uspješnih kandidata koji ispunjavaju kriterije za izbor,
- obavi intervju sa kandidatima koji su ušli u užu izbor,
- provede kompletnu proceduru propisanu Zakonom i odlukom Općinskog vijeća kojom je regulisana predmetna oblast,
- odgovornom javnom službeniku, Općinskom vijeću Breza, predloži pismenom preporukom rang- listu sa najboljim kandidatima na dalje razmatranje i konačno imenovanje.

III

Ovo Rješenje stupa na snagu danom donošenja i objavit će se u „Službenom glasniku Općine Breza“.

Broj: 01/1-02-_____/25
Breza, 14.11.2025. godine

PREDSJEDAVAJUĆI
Općinskog vijeća
Salkić Muamer, s.r



- P R I J E D L O G

Na osnovu člana 9. Zakona ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 39. st. 4. Zakona o predškolskom odgoju i obrazovanju („Službene novine Ze-Do kantona“ broj: 7/10 i 8/12) i člana 20. Statuta Općine Breza („Službene novine Općine Breza“, broj: 7/21), Općinsko vijeće Breza na 11. redovnoj sjednici održanoj dana 14.11.2025. godine, na prijedlog Općinskog načelnika Breza, donosi:

R J E Š E N J E
o imenovanju Komisije za provođenje izbora
na pozicije u Upravnom odboru
Javne Ustanove za predškolsko obrazovanje i vaspitanje „Umihana Čuvidina“ Breza

I

Imenuje se Komisija za izbor na pozicije predsjednika i članova Upravnog odbora Javne Ustanove za predškolsko obrazovanje i vaspitanje „Umihana Čuvidina“ Breza, u sljedećem sastavu:

1. Mamela Tarik, predsjednik, ispred osnivača
2. Mehmedagić Namir, član, ispred vijeća roditelja
3. Mujkić Enesa, član, ispred predškolske ustanove

II

Zadatak Komisije iz tačke I je, da shodno principima Zakona o ministarskim, vladinim i drugim imenovanjima Federacije BiH i Odlukom o postupcima, standardima i kriterijima imenovanja na pozicije u reguliranim organima Općine Breza:

- pripremi tekst oglasa za upražnjene pozicije,
- objavi oglas na najefikasniji mogući način u „Službenim novinama Federacije BiH“, i barem jednom dnevnom listu velikog tiraža s ciljem da bude dostupan široj javnosti i web stranici Općine Breza,
- pregleda prijave pristigle u roku utvrđenom oglasom,
- sastavi listu s užim izborom uspješnih kandidata koji ispunjavaju kriterije za izbor,
- obavi intervju sa kandidatima koji su ušli u užu izbor,
- provede kompletnu proceduru propisanu Zakonom i odlukom Općinskog vijeća kojom je regulisana predmetna oblast,
- odgovornom javnom službeniku, Općinskom vijeću Breza, predloži pismenom preporukom rang-listu sa najboljim kandidatima na dalje razmatranje i konačno imenovanje.

III

Ovo Rješenje stupa na snagu danom donošenja i objavit će se u „Službenom glasniku Općine Breza“.

Broj: 01/1-02-_____/25
Breza, 14.11.2025. godine

PREDSJEDAVAJUĆI
Općinskog vijeća
Salkć Muamer, s.r

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06 i 51/09), člana 5. Zakona o komunalnim djelatnostima („Službene novine Zeničko-dobojskog kantona“, broj: 17/08 i 09/11), i člana 20. tačka 2. Statuta Općine Breza („Službeni glasnik Općine Breza“, broj: 7/21), Općinsko vijeće Breza na sjednici održanoj dana __.11.2025. godine, donosi

O D L U K U

o izmjeni Odluke o utvrđivanju područja na kojima se obavezno vrši prikupljanje i odvoz komunalnog otpada

Član 1.

U članu 3. Odluke o utvrđivanju područja na kojima se obavezno vrši prikupljanje i odvoz komunalnog otpada („Službeni glasnik Općine Breza“ broj: 5/13) – u daljem tekstu Odluka) mijenjaju se riječi „ul. Hasana Kafije“ sa riječima „ul. ZAVNOBIHA-a br. 6“.

Član 2.

U članu 8. stav 1. Odluke brojevi: „3/10“ mijenja se brojevima: „1/19“.

Član 3.

U članu 10. stav 1. Odluke brojevi: „500,00 do 7000,00 KM“ mijenjaju se brojevima: „1.000,00 do 10.000,00 KM“.

U stavu 2. istog člana brojevi: „50,00 do 2000,00 KM“ mijenjaju se brojevima: „100,00 do 5.000,00 KM“.

Član 4.

U članu 11. stav 1. Odluke brojevi: „20,00 do 200,00 KM“ mijenjaju se brojevima: „100,00 do 3.000,00 KM“.

U stavu 2. istog člana, brojevi: „200,00 do 1000,00 KM“ mijenjaju se brojevima: „200,00 do 6.000,00 KM“

Član 13.

Ova Odluka stupa na snagu danom donošenja i bit će objavljena u „Službenom glasniku Općine Breza“.

Broj: 01/1-02-_____/25
Breza, __.11.2025.godine

PREDSJEDAVAJUĆI
Općinskog vijeća
Muamer Salkić, s.r.

PRAVNI OSNOV:

član 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06 i 51/09),

“Član 13.

Vijeće u okviru svojih nadležnosti:

- obavlja i druge poslove utvrđene zakonom i statutom.”

član 5. Zakona o komunalnim djelatnostima („Službene novine Zeničko-dobojskog kantona“, broj: 17/08 i 09/11),

“Član 5

(Javni interes komunalne djelatnosti)

(1) Komunalne djelatnosti su od javnog interesa i obavljaju se kao javne službe.

(2) Pod pojmom javnog interesa u komunalnim djelatnostima podrazumijeva se zadovoljavanje onih potreba urbanog društva koje su nezamjenjiv uslov života i rada građana, državnih organa, privrednih i drugih subjekata na području Kantona.

(3) Pod pojmom javne službe u komunalnim djelatnostima podrazumijevaju se komunalne djelatnosti iz člana 3. ovog zakona, koje kao opšte korisne djelatnosti predstavljaju sistemsku cjelinu organizovanja i vršenja putem državnih službi, jedinica lokalne samouprave, te za to posebno organizovanih samostalnih organizacija koje su prihvaćene, podržavane i kontrolisane od strane državne zajednice.

(4) Općine i pravna lica koja obavljaju komunalne djelatnosti, obavezni su na osnovu ovog zakona i posebnih propisa:

a) osigurati trajno obavljanje komunalnih djelatnosti, koje odgovaraju kvalitetom i standardom utvrđenoj visini cijene koju korisnici usluga plaćaju za njihovo izvršenje;

b) osigurati održavanje komunalnih objekata i uređaja koji su u nadležnosti komunalnih preduzeća u stanju funkcionalne sposobnosti;

c) poduzimati mjere za očuvanje i zaštitu okoliša;

d) osigurati javnost i transparentnost rada.”

član 20. tačka 2. Statuta Općine Breza („Službeni glasnik Općine Breza“, broj: 07/21)

„Član 20.

Općinsko vijeće u okviru svoje nadležnosti:

2. donosi odluke i druge opće akte kojima uređuje pitanja iz samoupravnog djelokruga Općine;“

RAZLOZI ZA DONOŠENJE:

Razlozi za donošenje ove odluke proizlaze iz potrebe usklađivanja vazeće Odluke o utvrđivanju područja na kojima se obavezno vrši prikupljanje i odvoz komunalnog otpada Općine Breza sa odredbama Zakona o prekršajima Federacije Bosne i Hercegovine („Službene novine Federacije BiH“, broj: 63/14, 100/15, 73/17 i 18/22). U postupku primjene važeće Odluke utvrđeno je da pojedine kaznene odredbe (visina novčanih kazni i subjekti prekršaja) nisu u skladu sa odredbama Zakona o prekršajima Federacije BiH, kojim je propisan jedinstven sistem prekršajnog prava, visina kazni i postupak izricanja prekršajnih sankcija. Radi otklanjanja tih nesaglasnosti i osiguranja zakonitosti lokalnog propisa, pristupilo se izmjeni Odluke. Pored usklađivanja kaznenih odredbi izvršeno je i tehničko usklađivanje teksta Odluke, a sve u cilju efikasnijeg sprovođenja komunalnog reda i pravilnom provođenju prekršajnih postupaka na području općine Breza.

Na osnovu člana 8. stav 3. alineja 29. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), člana 20. tačka 2. Statuta Općine Breza („Službeni glasnik Općine Breza“, broj: 07/21), a u vezi sa odredbama člana 28. stav 4 i 5., član 29. stav 4. i člana 30. Zakona o zaštiti i dobrobiti životinja („Službeni glasnik BiH“, broj: 25/09 i 09/18), Zakona o veterinarstvu BiH („Službeni glasnik BiH“, broj: 34/02), članom 17. Zakona o veterinarstvu Federacije BiH („Službene novine Federacije BiH“, broj: 46/00, 76/16 - dr. odluka i 90/23 - dr. odluka) i člana 3. stav 2. tačka f. člana 4. tačka 17. i člana 17. Zakona o komunalnim djelatnostima („Službene novine ZDK“, broj: 17/08 i 09/11), Općinsko vijeće Breza na sjednici održanoj dana __.11.2025. godine, *d o n o s i*

ODLUKU

o izmjenama i dopunama Odluke o uslovima i načinu držanja pasa, te načinu postupanja sa napuštenim i izgubljenim psima na području općine Breza

Član 1.

U Odluci o uslovima i načinu držanja pasa, te načinu postupanja sa napuštenim i izgubljenim psima na području općine Breza („Službeni glasnik Općine Breza“, broj: 3/18) – (u daljem tekstu „Odluka“) u članu 3. briše se stav (1).

U stavu (2) istog člana riječi „ostalim područjima“ mijenjaju se riječju „teritoriji“ te dosadašnji stav (2) postaje stav (1) i tako redom.

Član 2.

U članu 4. stav 1. alineja 3. i 4. Odluke brišu se riječi „osim na području iz člana 3. stav 1. ove Odluke“.

Član 3.

Iza člana 4. dodaje se novi član 4a. koji glasi:

„Član 4a.

- (1) U stambenoj zgradi pas se smije držati samo u dijelu koji pripada posjedniku (privatnom stanu) i to na način da se ne ometa kućni red i mir, te sigurnost ostalih stanara i suvlasnika zgrade.
- (2) Posjednik ne smije ostavljati psa u zajedničkim prostorijama koje služe zgradi kao cjelini (stubišta, ulazi, prostorije za smeće, terase i sl.).
- (3) Držanje pasa u dvorištima zgrada, te kretanje pasa po zajedničkim dijelovima i dvorištima zgrada, kao i čišćenje tih prostorija i prostora od onečišćenja koje napravi pas, zajednički utvrđuju suvlasnici zgrade, predstavnik etažnih vlasnika i upravitelj zgrade.
- (4) U objektima ili zgradama kolektivnog stanovanja nije dozvoljeno držanje pasa na balkonu, terasi ili lođi, te uvođenje pasa u liftove u trenutku kada lift koriste stanari i građani.
- (5) Prilikom korištenja lifta, stepeništa i hodnika stambene zgrade, pas mora biti na povodcu pod neposrednom kontrolom posjednika.“

Član 4.

U članu 5. stav 4. Odluke iza riječi „odgovarajući objekat (kućicu ili boks),“ dodaju se riječi: „koji mora biti udaljen najmanje 3 (tri) metra od granice susjedne parcele,“ a ostatak teksta navedenog stava ostaje nepromijenjen.

Član 5.

U članu 12. stav 1. Odluke iza alineje 10. se dodaje alineja 11. koja glasi:

„ - ometati uposlene u higijenskom servisu ili druge ovlaštene osobe za hvatanje pasa lutalica, napuštenih ili izgubljenih pasa u vršenju njihovih poslova predviđenih ovom Odlukom.“

Član 6.

Iza člana 24. Odluke dodaje se novi član 24.a koji glasi:

„Član 24 a.

- (1) Općinski načelnik će u roku od 2 (dva) mjeseca od dana stupanja na snagu ove Odluke, na prijedlog Općinskog pravobranilaštva donijeti Pravilnik o postupku i načinu rješavanju zahtjeva za naknadu štete nastale usljed napada napuštenih pasa i pasa lotalica i akt o imenovanju i sastavu Komisije za rješavanje zahtjeva za naknadu štete.
- (2) Komisiju čine Predsjednik, četiri člana i sekretar vodeći računa da se u Komisiju imenuju stručna lica pravne, medicinske, veterinarske, ekonomske i tehničke struke. Sekretar obavlja administrativno-tehničke poslove, bez prava odlučivanja.“

Član 7.

U članu 26. stav 1. alineja 3. iza riječi: „odnosno svih vlasnika porodičnih kuća;“ dodaju se riječi: „kao i suprotno odredbama člana 4a. Odluke“.

U istom članu i stavu, u alineji 5. mjenjaju se riječi: „tri metra od susjedne parcele odnosno od susjednog stambenog objekta“, sa riječima i brojem: „3 (tri) metra od granice susjedne parcele“.

Član 8.

U članu 27. stav 1. alineja 1. se briše, a alineja 2. postaje alineja 1. i tako redom.

Na kraju teksta postojeće alineje 6. istog člana dodaju se riječi: „ometa uposlene u higijenskom servisu ili druge ovlaštene osobe za hvatanje pasa lotalica, napuštenih ili izgubljenih pasa u vršenju njihovih poslova predviđenih ovom Odlukom“.

Član 9.

U članu 28. stav (4) Odluke brojevi „5/17“ se mijenjaju sa brojevima: „9/18“.

U istom članu u stavu (5) iza brojeva „46/00“ dodaje se tekst: „76/16 - dr. odluka i 90/23 - dr. Odluka“, te iza brojeva „25/09“ se dodaju brojevi: „09/18“.

Član 10.

Iza člana 31. se dodaje član 31 a. koji glasi:

„Član 31 a.

Općinski načelnik će u roku od 2 (dva) mjeseca od dana stupanja na snagu ove Odluke, na prijedlog Općinskog pravobranilaštva donijeti Pravilnik o postupku i načinu rješavanju zahtjeva za naknadu štete nastale usljed napada napuštenih pasa i pasa lotalica i akt o imenovanju i sastavu Komisije za rješavanje zahtjeva za naknadu štete.“

Broj: 01/1-02-_____/2025
Breza, __.11.2025. godine

Predsjedavajući Općinskog vijeća

Muamer Salkić, s.r.

PRAVNI OSNOV:

Član 8. stav 3. alineja 29. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09),

„Član 8.

*U vlastite nadležnosti jedinice lokalne samouprave posebno spadaju:
- zaštita životinja.“*

član 20. stav 1. tačka 2. Statuta Općine Breza („Službeni glasnik Općine Breza“, broj: 07/21)

„Član 20.

Općinsko vijeće u okviru svoje nadležnosti:

2. donosi odluke i druge opće akte kojima uređuje pitanja iz samoupravnog djelokruga Općine;“

član 28. stav 4 i 5., član 29. stav 4. i člana 30. Zakona o zaštiti i dobrobiti životinja („Službeni glasnik BiH“, broj: 25/09 i 09/18),

“Član 28

(Skloništa za životinje)

(4) Sklonište za životinje osniva fizičko ili pravno lice, jedinica lokalne samouprave, opština, grad, kanton ili entitet.

(5) Nadležni organ uprave kantona, grada ili opštine izdaje dozvolu za formiranje skloništa za životinje, a na osnovu uputstva koje propisuje nadležno ministarstvo, na predlog Kancelarije te vodi registar skloništa za životinje.“

“Član 29

(Higijenski servis)

(4) Nadležni upravni organ kantona, grada ili opštine izdaje dozvolu za formiranje higijenskog servisa za životinje, a na osnovu uputstva koje propisuje nadležno ministarstvo, a na predlog Kancelarije.“

“Član 30

(Finansiranje skloništa i higijenskih servisa)

Skloništa i higijenski servisi finansiraju se iz:

- a) budžeta entiteta, kantona, gradova i opština;*
- b) drugih vidova finansiranja (donacije, pokloni itd.).“*

članom 17. Zakona o veterinarstvu Federacije BiH („Službene novine Federacije BiH“, broj: 46/00, 76/16 - dr. odluka i 90/23 - dr. odluka)

“Član 17

Upisivanje pasa u registar je obavezno za sve držaoce pasa.

Pas mora biti označen na propisani način, a držalac mora imati propisanu ispravu o upisu i vakcinaciji protiv bjesnila.

Vakcinacija pasa, vođenje registra pasa, te izdavanje službene isprave o tome obaveza je veterinarske organizacije.

Za troškove upisa pasa, obaveznog označavanja pasa i izdavanja službenih isprava plaća se naknada u skladu s ovim zakonom.

Držalac psa dužan je prijaviti nabavku, odnosno uginuće ili otuđenje psa u roku od 15 dana od dana nabavke, uginuća ili otuđenja veterinarskoj organizaciji koja vodi registar pasa.

Sadržaj i oblik registra pasa, te isprave o obaveznom upisu i provedenim mjerama, kao i oblik obavezne oznake za pse propisuje federalni ministar .

Uvjete i način držanja pasa, divljih životinja i zvijeri, zaštitna sredstva (brnjica i sl.), zaštita okoline, te način postupanja s neupisanim psima, psima i mačkama lualicama, kao i drugim opasnim i zloćudnim životinjama propisuje kantonalni ministar nadležan za poslove veterinarstva (u daljem tekstu: kantonalni ministar)."

član 3. stav 2. tačka f. člana 4. tačka 17. i člana 17. Zakona o komunalnim djelatnostima („Službene novine ZDK”, broj: 17/08 i 09/11)

“Član 3.

(Komunalna potrošnja)

(2) Komunalne djelatnosti zajedničke komunalne potrošnje u smislu ovog zakona su:

f) Obavljanje kafilerijskih usluga;

Član 4.

(Pojmovi komunalne potrošnje)

17) Pod obavljanjem kafilerijskih usluga podrazumijevaju se poslovi stalnog i sigurnog uklanjanja životinja, pasa lualica, lešina životinja, određenih nusproizvoda klanja, konfiskata i valioničkog otpada sa javnih površina i poslovi eutanazije životinja;

Član 17.

(Sredstva za obavljanje komunalnih djelatnosti)

(1) Sredstva za obavljanje komunalnih djelatnosti obezbjeđuju se iz:

- a) prihoda ostvarenih od komunalnih usluga iz segmenta individualne komunalne potrošnje;*
- b) prihoda ostvarenih od komunalnih usluga iz segmenta zajedničke komunalne potrošnje (općinska komunalna naknada-taksa u cjelosti; dijela naknade za drumska, motorna i druga vozila; dijela poreza na imovinu i prihoda od imovine; dijela poreza na promet nepokretnosti; dijela boravišne takse i drugih sredstava);*
- c) budžeta osnivača komunalnog preduzeća;*
- d) drugih izvora po posebnim propisima.*

(2) Utvrđivanje visine sredstava iz stava (1) ovog člana koja se obezbjeđuju u budžetu općine vrši se na osnovu programa koji sadrži: obim i kvalitet održavanja i obnavljanja pojedinih komunalnih objekata i uređaja i komunalnih usluga zajedničke komunalne potrošnje, visinu potrebnih sredstava za realizaciju programa i raspored sredstava za svaku djelatnost posebno i po namjenama, kao i mjere za sprovođenje programa."

RAZLOZI ZA DONOŠENJE:

Postojeća Odluka o uslovima i načinu držanja pasa, te načinu postupanja sa napuštenim i izgubljenim psima na području općine Breza donesena je 2018. godine. Tokom njene primjene uočeni su određeni problemi i potrebe za preciznijim definisanjem pojedinih odredbi. Razlozi za izmjene i dopune su sljedeći:

1. Usklađivanje sa višim propisima - potrebno je uskladiti odredbe Odluke sa Zakonom o zaštiti i dobrobiti životinja BiH, kao i sa drugim podzakonskim aktima koji regulišu ovu oblast.
2. Rješavanje problema povećanog broja napuštenih pasa na javnim površinama, te potreba za efikasnijim postupkom njihovog zbrinjavanja.
3. Zaštita zdravlja i sigurnost građana, zbog učestalih pritužbi na agresivno ponašanje i ugrize pasa lualica.
4. Unapređenje uslova za držanje pasa u domaćinstvima i objektima, kroz jasnije definisane obaveze vlasnika (obavezno čipovanje, vakcinacija, ograničavanja u pogledu prostora i higijene).

5. Sprječavanje sukoba među susjedima, zaštite komunalnog reda i poboljšanja uslova držanja pasa, kroz propisivanje minimalne udaljenosti pseće kućice ili boksa od granice susjedne parcele i stambenog objekta.
6. Tehničke i terminološke dopune radi jasnijeg tumačenja i lakše primjene Odluke u praksi.



Na osnovu člana 8. Zakona o principima lokalne samouprave („Službene novine Federacije BiH“, broj 49/06 i 51/09) i člana 20. tačka 27. Statuta Općine Breza („Službeni glasnik Općine Breza“, broj: 7/21), a u vezi sa članom 29. Zakona o zaštiti i dobrobiti životinja („Službeni glasnik BiH“, broj: 25/09) i članom 3. Pravilnika o utemeljivanju i uvjetima koje moraju ispunjavati higijenski servisi („Službeni glasnik BiH“, broj: 27/10), Općinsko vijeće Breza, na sjednici održanoj dana __. __. 2025. godine, donosi

ODLUKU

O OSNIVANJU HIGIJENSKOG SERVISA ZA ŽIVOTINJE ZA PODRUČJE OPĆINE BREZA

Član 1.

Ovom Odlukom utvrđuju se uslovi, način osnivanja, lokacija i finansiranje Higijenskog servisa za životinje za područje općine Breza.

Član 2.

Higijenski servis za životinje za područje općine Breza osniva se u svrhu hvatanja i zbrinjavanja napuštenih životinja, divljih životinja i zaštićenih divljih životinja sa javnih površina shodno odredbama Zakona o zaštiti i dobrobiti životinja (Službeni glasnik BiH, broj 25/09) i odredbama Pravilnika o osnivanju i uslovima koje moraju ispunjavati higijenski servisi („Službeni glasnik BiH“, broj 27/10).

Član 3.

Higijenski servis za životinje se osniva pri JP „Veterinarska stanica“ d.o.o. Breza, kao sastavni dio preduzeća.

Član 4.

JP „Veterinarska stanica“ d.o.o. Breza je dužna organizovati radno vrijeme higijenskog servisa na način da isto mora biti najmanje osam sati radnim danom, a tokom 24 sata dnevno mora osigurati dežurstvo za prijem životinja u hitnim slučajevima.

Član 5.

JP „Veterinarska stanica“ d.o.o. Breza dužna je svaku novoprimljenu životinju evidentirati i obezbijediti joj smještaj do prijevoza životinje u sklonište. JP „Veterinarska stanica“ d.o.o. Breza dužna je osigurati veterinarsku zaštitu zdravlja životinja, redovito pojenje i hranjenje, dezinfekciju i liječenje do momenta upućivanja u sklonište za životinje. Smještaj primljenim životinjama do njihovog prijevoza u sklonište, JP „Veterinarska stanica“ d.o.o. Breza obezbijedit će unutar vlastitih prostorija, odnosno zaključivanjem ugovora sa ovlaštenim pravnim ili fizičkim licima sa području druge lokalne zajednice o korištenju njihova skloništa.

Član 6.

Sredstva za finansiranje Higijenskog servisa za životinje obezbijedit će se u Budžetu općine Breza i drugih vidova finansiranja (donacije, pokloni i sl.).

Član 7.

Ova Odluka stupa na snagu danom objavljivanja u „Službenom glasniku općine Breza“.

Broj: 01/1-02-_____/2025
Breza, __.11.2025. godine

PREDSJEDAVAJUĆI
Općinskog vijeća
Muamer Salkić, s.r.

O B R A Z L O Ž E N J E

PRAVNI OSNOV ZA DONOŠENJE

Pravni osnov za donošenje ove Odluke su član 8. Zakona o principima lokalne samouprave („Službene novine Federacije BiH“, broj 49/06) i člana 20. tačka 27. Statuta Općine Breza („Službeni glasnik Općine Breza“, broj: 7/21), a u vezi sa članom 29. Zakona o zaštiti i dobrobiti životinja („Službeni glasnik BiH“, broj: 25/09) i članom 3. Pravilnika o utemeljivanju i uvjetima koje moraju ispunjavati higijenski servisi („Službeni glasnik BiH“, broj: 27/10).

RAZLOG ZA DONOŠENJE

Razlog za donošenje ove Odluke je potreba usklađivanja općinskih propisa sa odredbama Zakona o zaštiti i dobrobiti životinja BiH („Službeni glasnik BiH“, broj 25/09) i Pravilnika o utemeljivanju i uvjetima koje moraju ispunjavati higijenski servisi („Službeni glasnik BiH“, broj: 27/10).

Članom 8. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06. i 51/09), je propisano da u vlastite nadležnosti jedinice lokalne samouprave spada i zaštita životinja. Članom 29. stav 4. Zakona o zaštiti i dobrobiti životinja („Službeni glasnik BiH“, broj 25/09.) propisano je da napuštene i izgubljene životinje skupljaju zaposleni u higijenskom servisu, te da nadležni upravni organ kantona, grada ili općine izdaje dozvolu za formiranje higijenskog servisa za životinje, a na osnovu uputstva koje propisuje nadležno ministarstvo. U članu 30. istog Zakona, između ostalog, stoji da se higijenski servisi finansiraju iz budžeta, te iz sredstava donacija i poklona. U članu 3. stav (1) Pravilnika o osnivanju i uslovima koje moraju ispunjavati higijenski servisi („Službeni glasnik BiH“, 27/10), stoji da su upravni organi u skladu sa odredbama Zakona o zaštiti dobrobiti životinja, dužni prema specifičnim potrebama sredine i brojnosti populacije napuštenih životinja dužni osnovati higijenski servis za hvatanje i zbrinjavanje napuštenih životinja. S tim u vezi, pristupilo se izradi Odluke o osnivanju Higijenskog servisa za životinje za područje općine Breza, i ista se u formi prijedloga upućuje Općinskom vijeću Breza na razmatranje i usvajanje.



Broj: _____
Breza, 30.10.2025. godine

NACRT

Na osnovu člana 20. Statuta Općine Breza („Službeni glasnik Općine breza“, broj: 7/21), člana 2. stav 1. Zakon o osnovima bezbjednosti saobraćaja na putevima u BiH („Službeni glasnik BiH“, br. 6/06, 75/06, 44/07, 84/09, 48/10, 48/10, 18/13, 8/17, 89/17, 9/18, 46/23 i 88/23), člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), Općinsko vijeće Breza na sjednici održanoj dana ____2025. Godine, donosi

O D L U K U

o bezbjednosti i organizaciji saobraćaja na putevima općine Breza

I – OSNOVNE ODREDBE

Član 1. **(Predmet Odluke)**

Ovom Odlukom uređuju se bezbjednost i organizacija saobraćaja, određuju saobraćajnice sa pravom prvenstva prolaza, ograničenja režima saobraćaja i zabrane na cestama i raskrsnicama, zaustavljanje i parkiranje vozila, lokacije za početnu obuku kandidata za vozače i uslovi za organizovanje priredbi i drugih aktivnosti na cestama, propisuju posebne mjere bezbjednosti saobraćaja na cestama koja su jedinstvene na cijelom području općine Breza.

Član 2. **(Javna saobraćajna površina)**

Javnim saobraćajnim površinama u smislu ove Odluke smatraju se lokalne i nekategorisane ceste, ulice, trgovi, trotoari, parkirališta, stajališta javnog gradskog saobraćaja, mostovi, podvožnjaci, nadvožnjaci i slične površine.

Član 3 **(Saobraćaj na cestama)**

Saobraćaj na cestama namijenjenim za saobraćaj vozila i pješaka dozvoljen je svakom pod jednakim uvjetima u granicama propisanim Zakonom o osnovama bezbjednosti saobraćaja na putevima u BiH i ovom Odlukom.

Na javnim saobraćajnim površinama ne smiju se poduzimati radnje ili djelatnosti koje bi mogle oštetiti javnu saobraćajnu površinu ili ugroziti bezbjednost i protočnost motornog, pješačkog ili biciklističkog saobraćaja.

II – ORGANIZACIJA I REGULACIJA SAOBRAĆAJA

Član 4. **(Nadležnosti)**

Služba za privredu (u daljem tekstu: nadležna služba) u skladu sa prostorno - planskom dokumentacijom vrši poslove praćenja organizacije i regulacije saobraćaja, odobrava, predlaže i provodi mjere za unapređenje saobraćajnog sistema.

Član 5.

(Tehnička regulacija saobraćaja)

Tehničku regulaciju saobraćaja na javnim površinama vrše pravna i fizička lica koja su registrovani za obavljanje tih poslova, kojima se povjeravaju poslovi regulacije putem ugovora.

Tehničkom regulacijom saobraćaja u smislu ove Odluke smatra se postavljanje, uklanjanje, zamjena i održavanje saobraćajne signalizacije (horizontalne, vertikalne i svjetlosne) i opreme na javnoj cesti ili ulici.

Tehnička regulacija horizontalne, vertikalne i saobraćajne signalizacije obavlja se na osnovu Projekata saobraćajne signalizacije.

Član 6.

(Izmjena režima saobraćaja)

Privremene izmjene režima saobraćaja ili privremeno ograničenje saobraćaja odobrava nadležna služba posebnim odobrenjem i dužna je obavijestiti Policijsku stanicu Breza i javnost o određenim izmjenama režima saobraćaja i drugim aktivnostima na saobraćajnicama putem sredstva informisanja i drugim aktima.

U hitnim slučajevima koji ne trpe odlaganje, kao što su saobraćajne nezgode, protesti, dolasci delegacija i zbog održavanja javnog reda i mira, izmjenu režima saobraćaja može izvršiti i Policijska stanica Breza.

Član 7.

(Postavljanje znakova, informacija, reklamnih panoa i natpisa)

Osim propisanih saobraćajnih znakova na cestama namijenjenim za saobraćaj u nadležnosti Općine Breza i Kantonalne direkcije za ceste Zeničko-dobojskog kantona, dozvoljeno je postavljanje znakova i informacija, reklamnih panoa i natpisa koji su u skladu sa Zakonom o osnovama bezbjednosti saobraćaja na putevima u BiH, Zakonom o cestama FBiH i Pravilnikom o postavljanju reklamnih znakova na cestama.

Postavljanje znakova informacija, reklamnih panoa i natpisa odobravaju nadležne općinske službe.

Član 8.

(Vođenje evidencije o saobraćajnoj signalizaciji)

Nadležna služba je dužna voditi i čuvati evidenciju o svojoj saobraćajnoj signalizaciji, na saobraćajnicama u nadležnosti općine Breza.

Obaveze iz prethodnog stava mogu se povjeriti i ugovorom pravnom licu koje ugrađuje i održava saobraćajnu signalizaciju.

Član 9.

(Praćenje stanja bezbjednosti u saobraćaju)

Policijska stanica Breza prati stanje bezbjednosti u saobraćaju na području općine Breza, poduzima mjere sigurnog odvijanja saobraćaja, sigurnosti regulacije saobraćaja i druge mjere iz njene nadležnosti u cilju osiguravanja normalnog odvijanja saobraćaja, te najmanje jedan puta godišnje dostavlja podatke nadležnom organu koji upravlja cestama na

području općine Breza o vrstama, mjestima i vremenu događaja saobraćajnih nezgoda.

III – PRVENSTVO PROLAZA

Član 10.

(Saobraćajnice sa prvenstvom prolaza)

Prvenstvo prolaza vozila određuje se prema kategoriji saobraćajnica kako slijedi:

- (1) Na regionalnij cesti R-444 Podlugovi – Breza – Vareš, ulicama:
 - Rudarska,
 - Branilaca grada,
 - Alije Uzetbegovića, i
 - Šehidska.
- (2) Na lokalnim cestama:
 - R444-Vrbovik (Od spoja RC R-444 u Vrboviku, kroz naselje Vrbovik do Džamije)
 - Podžupča –Podgora (Od spoja RC R-444 u Podžupči, kroz naselje Župča do naselja Podgora - prva raskrsnica)
 - Župča – Izbod („Sarajevski put“ od spoja sa LC Podžupča - Podgora do izlaza na LC u Izvodu)
 - Kahve – Izbod (Od spoja RC R - 444 na Kahvama, kroz naselje Kahve i raskrsnicu ispred okna „Kamenice“ i dalje ide kroz naselje Izbod do raskrsnice za Kuliće)
 - Kamenice-Bulbulušići (Od raskrsnice ispred okna „Kamenice“, zatim kroz naselje Kamenice i Bulbulušići do spoja sa LC Breza – M.Rijeka)
 - Breza – Mahmutovića Rijeka (Od pružnog prelaza u naselju Bulbulušići, prolazi kroz naselja Grabovik, Borak, Crema, Bukovik, Opreč, Kujave, Slivno, Orahovo do mosta u Mahmutovića Rijeci)
 - Mahmutovića Rijeka- Ilijaš (Od mosta u Mahmutovića Rijeci kroz naselje Dolovčići do spoja sa granicom Općine Ilijaš)
 - Dolovčići-Nasići (Od spoja sa LC M.Rijeka-Ilijaš u naselju Dolovčići do naselja Nasići)
 - Koritnik – Vlahinje (Od spoja sa LC Breza – M.Rijeka u Graboviku kroz naselje Koritnik pored Džamije, pa kružno pored mjesnog groblja do naselja Vlahinje)
 - Smailbegovići (Od spoja sa LC R-444 kod Stare džamije - kroz naselje Smailbegovići do spoja na LC R 444 kod O.Š. „Safvet-beg Bašagić“)
 - Mahala – Prhinje (Od spoja sa LC R-444 u Mahali, kroz ulicu Odred Plana zatim, pored pogona „Haldija“ i dalje preko Borova, kroz Prhinje do granice sa Općinom Visoko)
 - Vijesolići (Od spoja sa LC Mahala- Prhinje na raskrsnici Borovi kroz naselje Dužice do Džamije u naselju Vijesolići)
 - Gornja Breza (Od mosta na potoku Jasike, kroz naselje Banjevac do prve raskrsnice na Gornjoj Brezi odakle se grana lijevo do spoja sa LC Vijesolići u Dužicama, a desno ide kroz naselje G.Breza pored Džamije do spoja sa LC Vardište)
 - Vardište (Od spoja sa LC Vijesolići na lokalitetu bivšeg PK „G.Breza“ kroz gornji dio naselja G.Breza, i dalje do Džamije u naselju Vardište)

- Smrekovica (Od spoja na raskrsnici u ulici Bogumilska, preko bivšeg PK „Smrekovica“ i dalje kroz naselje Smrekovica pa niz ulicu Tičija do spoja sa LC Sutješćica)
- Sutješćica (Od spoja sa RC R-444 kroz Tičiju ulicu do mekteba u naselju Sutješćica)
- Mahala (Od spoja sa RC R-444 preko puta O.Š. „Safvet-beg Bašagić“, kroz naselje Mahala, pa do izlaza na RC R-444 preko puta Doma kulture u Mahali)

IV – OGRANIČENJA I ZABRANE

Član 11. (Ograničenje brzine kretanja vozila)

Na putu, u naselju, vozač ne smije motornim vozilom da se kreće brzinom većom od 50 km na sat, odnosno brzinom označenom saobraćajnim znakom za cijelo naseljeno mjesto ili njegov dio.

Početak — završetak naselja, kao i ograničenje brzine kretanja vozila moraju se obilježiti odgovarajućim propisanim saobraćajnim znacima.

Nadležna služba može saobraćajnim znakom dozvoliti kretanje vozila i brzinom većom od 50 km na sat na putu, čiji saobraćajno — tehnički elementi dozvoljavaju.

Član 12. (Zabrana kretanja vozila)

Zabranjuje se kretanje svim motornim vozilima u oba smjera u sledećim ulicama:

- Ulica prema zgradi kino sale Breza i gradskoj biblioteci „Muhamed Kantardžić“,
- Ulica Bosanska,
- Ulica Hasana Kjačije.

Izuzetno, u ulicama iz prethodnog stava mogu se kretati:

- vozila hitne pomoći, vatrogasne službe, vozila MUP-a i Oružanih snaga BiH, kad posebnim uređajima daju svjetlosne i zvučne znakove kad izvršavaju određene službene zadatke;
- vozila osoba sa umanjnim tjelesnim sposobnostima, ako im to vozilo služi kao pomagalo u kretanju;
- vozila inspekcijских organa kad vrše poslove iz svoje nadležnosti;
- vozila za prijevoz posmrtnih ostataka;
- vozila komunalnih i drugih preduzeća koja služe za održavanje čistoće, kanalizacije, vodovoda, grijanja, električnih i PTT vodova, kad obavljaju radnje za koje su namijenjena;
- vozila servisa kad vrše razne servisne usluge;
- vozila kad vrše snabdijevanje domaćinstava, trgovinskih i drugih subjekata u vremenu od 06 do 10 sati i od 16 do 18 sati, uz posjedovanje dokaza o isporuci robe ili vršenja usluga licu koje u navedenom prostoru posjeduje stambeni ili poslovni prostor.
- vozila stanara i zaposlenika i predstavnika političkih stranaka i državnih i političkih delegacija, uz dokaz o pravu korištenja poslovnog prostora, garaže, stana ili dokaz o radnom odnosu.

Vozila iz stava 2. tačka 1. do 6. ovog člana moraju biti obilježena nazivom firme, organa,

organizacije ili ustanove, a korisnici vozila iz tačke 7. i 8. ovog člana moraju posjedovati valjane dokaze o vršenju isporuke roba i usluga (ugovor, narudžbenica i sl.), pravu korištenja poslovnih prostora, stanova ili garaža i istaknuti ih na vidno mjesto.

Član 13. **(Zabrana kretanja teretnih motornih vozila)**

Zbog tehničkih karakteristika puta zabranjuje se kretanje teretnih motornih vozila preko 7,5 tona ukupne nosivosti u ulicama:

- Odred Sretno (od raskrsnice kod Robota do raskrsnice Haldija)
- Dionica puta Banjevac – LC Mahala-Prhinje (od raskrsnice kod Džamije Banjevac do raskrsnice na Čivinom brdu)
- Dionica puta od pružnog prelaza Podžupča prema fabrici „Wood team“.

Član 14. **(Zabrana zadržavanja vozila koje prevoze opasne materije)**

Vozila koja prevoze opasne materije ne smiju se zadržavati na području općine Breza i u naseljenim mjestima grada osim na mjestima koja su drugim propisima utvrđena (benzinske pumpe, naftni terminalni, registrovana skladišta itd.).

Član 15. **(Zabrana kretanja zaprežnim vozilima i gonjenje stoke)**

Zabranjuje se kretanje zaprežnim vozilima i gonjenje stoka u krdu i stadu u svim ulicama u urbanom području.

Iznimno, nadležna služba može za turističke, kulturne i slične namjene odobriti kretanje kočija, zaprežnih vozila i jahanje konja na ulicama u urbanom području, ukoliko to ne ometa normalno odvijanje saobraćaja.

Član 16. **(Ulice sa jednosmjernim saobraćajem)**

Ulice sa jednosmjernim saobraćajem su:

- Ulica Titova (zabranjuje se kretanje motornih vozila iz pravca autobuske stanice prema Radničkom domu),
- Dijelovi ulice Ismeta Šarića (zabranjuje se kretanje motornih vozila iz pravca regionalne ceste, odnosno od kućnog broja 25 do kućnog broja 2., te se zabranjuje kretanje motornih vozila iz pravca ulice Ismeta Šarića od kućnog broja 6 do kućnog broja 35, odnosno do spajanja ove ulice sa regionalnom cestom).

V – ELEKTRIČNI ROMOBILI I NJIMA SLIČNA PREVOZNA SREDSTVA

Član 17. **(Definicija električnog romobila)**

Električni romobil, (u daljem tekstu: romobil) u smislu ove Odluke, jeste lično – pomoćno prevozno sredstvo sa jednim ili više točkova, pogonjeno električnim motorom koje može ili ne mora imati sjedište.

Pomoćnim prevoznim sredstvima u smislu ove Odluke koja su slična romobilu, pogonjena električnim motorom smatraju se sve vrste električnih skateboarda, hoverboarda, monocikla i sl.

Električnim romobilom ne smatraju se električna pomagala za invalidne osobe, bez obzira na izgled, broj točkova i snagu motora, te električni skuteri u bilo kojem obliku.

Lice koje upravlja električnim romobilom – vozač – korisnik je svaka fizička osoba koja koristi i trenutno posjeduje električni romobil na lokalnim i nekategorisanim cestama ili javnim površinama na području općine Breza.

Konstruisano opterećenje je najveće dozvoljeno opterećenje koje površina električnog romobila može izdržati u skladu sa tehničkom dokumentacijom i standardima koje je propisao proizvođač.

Učestalim činjenjem prekršaja smatra se posjedovanje najmanje tri pravosnažno izrečene novčane kazne za isti ili sličan prekršaj od strane lica koje upravlja električnim romobilom ili lica koja su navedena u članu 19. ove Odluke.

Ugrožavanje učesnika u saobraćaju predstavlja svaki oblik nedopuštenog ponašanja i neprihvatljivog ponašanja koji je uobičajen u društvenoj zajednici i koji je protivan odredbama Zakona iz oblasti saobraćaja ili ove Odluke, a naročito ponašanja koja su taksativno nabrojana u članu 19.

Član 18. (Kretanje električnog romobila)

Romobil se u pravilu kreće što bliže desnoj ivici kolovoza (asfaltnog zastora) u smjeru kretanja električnog romobila maksimalnom brzinom do 30 km/h ili trotoarom maksimalnom brzinom do 20 km/h.

Lice koje upravlja romobilom dužno je prije pokretanja romobila prilagoditi model vožnje romobila dozvoljenoj brzini i isto na zahtjev ovlaštenog službenog lica dokazati uvidom u programski displej romobila.

Član 19. (Zabrane kretanja električnog romobila)

Licu koje upravlja romobilom zabranjeno je:

- vožnja romobila po kolovozu saobraćajnica sa pješačkom stazom ukoliko je mlađi od 14 godina;
- vožnja romobila po kolovozu saobraćajnica sa pješačkom stazom ukoliko vozač nema položen ispit iz poznavanja propisa o sigurnosti saobraćaja na cestama, minimalno za kategoriju moped u skladu sa Zakonom o bezbjednosti saobraćaja na cestama u BiH i Pravilnikom o osposobljavanju kandidata za vozača motornih vozila,
- vožnja romobila brzinom većom od definisane u članu 18. ove Odluke;
- vožnja romobila u školskim dvorištima u vremenu izvođenja nastave kada su lica koja upravljaju romobilom dužna da isti guraju pored sebe;
- vožnja pod uticajem alkohola i/ili opojnih droga;
- korištenje električnog romobila bez ispravnog prednjeg bijelog i zadnjeg crvenog svjetla;
- prevoz drugih lica;
- vožnja romobila ako se na njemu nalaze predmeti koji u bitnoj mjeri umanjuju stabilnost romobila (predmeti koji su širi ili viši za 0,80 cm od širine ili visine romobila mjereno od najjisturenijeg sa obje strane ili najvišeg dijela romobila);
- korištenje i upotreba mobilnih telefona i upotreba slušalica na oba uha;
- da vuče ili bude vučen drugim električnim romobilom, biciklom ili motornim vozilom;
- da ispušta upravljač iz ruku osim kada najavljuje promjenu smjera kretanja, ukoliko na romobilu nema pokazivača pravca;

Član 20. (Dužnosti vozača električnog romobila)

Vozač romobila je prilikom vožnje dužan:

- pridržavati se saobraćajnih propisa i pravila;
- izbjegavati ugrožavanje drugih učesnika u saobraćaju ili pješaka naročito, naglim skretanjima, krivudanjima, vožnjom bez držanja odstojanja od drugih učesnika u saobraćaju, vozača romobila, biciklista, pješaka, skakanje i dr.;
- voziti se jedan iza drugog ako se voze u grupi;
- prilikom prelaska preko pješačkog prelaza da gura romobil pored sebe;
- nositi zaštitnu kacigu zakopčanu na glavi;
- koristiti reflektirajući prsluk ili reflektirajuće trake ili reflektirajuće predmete u vremenu od prvog sumraka do prvog svitanja, te u uslovima smanjene vidljivosti, (magla, kiša i dr. vremenske neprilike);
- koristiti potpuno tehnički ispravan romobil i isti održavati u tehnički ispravnom stanju;

VI – ZAUSTAVLJANJE I PARKIRANJE

a. OPĆE ODREDBE

Član 21.

(Zabrana zaustavljanja i parkiranja bez saobraćajnog znaka)

Vozač ne smije da zaustavi ili parkira vozilo na mjestu na kojem bi ono ugrožavalo bezbjednost drugih učesnika u saobraćaju ili predstavljalo smetnju za normalno odvijanje saobraćaja ili kretanja pješaka.

Zabranjeno je parkiranje u svim dvosmjernim ulicama, ukoliko saobraćajnim znakom ili oznakom na kolovozu nije drugačije određeno.

U ulicama sa jednosmjernim saobraćajem, vozila se mogu zaustavljati odnosno parkirati uz desnu ili lijevu ivicu kolovoza, zavisno kako je regulisano saobraćajnim znakom ili oznakama na kolovozu.

Član 22.

(Slučajevi u kojima je zabranjeno zaustavljanje i parkiranje)

Vozač ne smije da zaustavi ili parkira vozilo naročito:

- na obilježenom pješačkom prelazu i na razdaljini manjoj od pet metara od tog prelaza;
- na prelazu puta preko željezničke ili tamvajske pruge u istom nivou i na udaljenosti manjoj od 15 metara;
- na željezničkim prugama ili u blizini tih pruga ako se time sprečava ili ometa saobraćaj vozila koja se kreću po šinama;
- na raskrsnici i na razdaljini manjoj od pet metara od najbliže ivice poprečnog kolovoza;
- u tunelima, na mostovima, u podvožnjacima i na nadvožnjacima, kao i na dijelovima puta ispod mostova i nadvožnjaka i na razdaljini manjoj od 15 metara od tih objekata;
- na dijelu puta u blizini vrha prevoja i u krivini gdje je preglednost puta nedovoljna i gdje se obilaženje vozila ne bi moglo izvršiti bez opasnosti;
- na dijelu puta na kojem bi širina slobodnog prolaza od zaustavljenog ili parkiranog vozila do neisprekidane uzdužne linije na kolovozu, ili do suprotne ivice kolovoza, ili do neke prepreke na putu bila manja od tri metra;
- na mjestu na kojem bi vozilo zaklanjalo postavljeni saobraćajni znak ili uređaj za davanje svjetlosnih saobraćajnih znakova;
- na dijelu kolovoza koji je kao stajalište za vozila javnog saobraćajna obilježen saobraćajnim znakom i/ili oznakama na kolovozu;
- na svim zelenim površinama, parkovima i sl.;
- na mjestu koje je označeno kao parking — prostor za lica sa invaliditetom ako

- vozilo nije obilježeno posebnim znakom;
- na trotoaru, odnosno pješačkoj stazi, ako to nije izričito regulisano saobraćajnim znakom, a ako je parkiranje dozvoljeno, mora se ostaviti najmanje 1,6 metara širine na površini za kretanje pješaka.

Osim u slučajevima stava 1 ovog člana, vozač ne smije da parkira vozilo naročito na:

- prolazima i ulazima škola, ustanova, preduzeća, stambenih zgrada i drugih objekata i iznad priključka na vodovodnu mrežu i ulaza u kanalizacionu ili drugu mrežu komunalnih organizacija;
- mjestu na kome bi parkirano vozilo onemogućilo pristup drugom vozilu radi parkiranja ili izlazak nekom već parkiranom vozilu;
- na kolovozu sa dvije saobraćajne trake gdje se saobraćaj odvija u oba smjera.

Član 23.

(Zabrana parkiranja za autobuse, teretna vozila, kamp prikolice i sl.)

Na području cesta namijenjenih za saobraćaj na području općine, zabranjeno je parkiranje autobusa, teretnih vozila preko 3,5 tone najveće tehničke dopuštene mase i kamp prikolice.

b. JAVNA PARKIRALIŠTA

Član 24.

(Vrste parkirališta)

Za zaustavljanje i parkiranje vozila na području općine utvrđuju se javna parkirališta.

Javnim parkiralištem smatra se javna površina namijenjena isključivo za zaustavljanje i parkiranje određena ovom Odlukom.

Parkirališta u smislu ove Odluke su površine na kojima se mogu parkirati motorna vozila duže od 5 minuta.

Parkirališta mogu biti opća parkirališta, rezervisani prostor za parkiranje.

Član 25.

Opća parkirališta su mjesta na kojima se mogu parkirati putnički automobili i teretna motorna vozila do 3,5 tona ukupne dozvoljene mase.

Rezervisani prostor za parkiranje vozila je onaj prostor koji se rezerviše isključivo za parkiranje od strane javnih organa i preduzeća a koji su definisani ovom Odlukom.

Član 26.

(Javna parkirališta)

Javna parkirališta moraju biti označena saobraćajnom signalizacijom u skladu sa propisima o bezbjednosti saobraćaja.

Javna parkirališta mogu biti stalna i privremena.

Pripremanje i obilježavanje javnih parkirališta vrši nadležna služba i ugovorom ovlašteno pravno lice.

Član 27.

(Stalna i privremena parkirališta)

Stalna javna parkirališta su:

1. Parking prostor u ulici Bosanska,
2. Parking prostor preko puta Robota,
3. Parking prostor od ulice Odred Sretno (semafor) do zgrade Borac,
4. Parking prostor između pošte i Gradske džamije,

5. Parking prostor kod JP Komunalno d.o.o. Breza,
6. Parking prostor u ulici Titova (kod autobusnog stajališta),
7. Parking prostor ispred sportsko rekreacionog centra „ADA“ Breza,
8. Parking prostor u ulici Ismeta Šarića,
9. Parking prostor uz zgradu Albanija.

Privremena parkirališta su:

1. Parking prostor ispred zgrade Općine Breza, osim radnim danima u vremenu od 7 – 16 sati,
2. Plato Bečarska.

Član 28. (Rezervisana parking mjesta)

Po jedno parking mjesto dodjeljuje se:

- JP „Komunalno“ d.o.o. Breza na parking prostoru koji se nalazi pored zgrade JP „Komunalno“ Breza
- Centru za socijalni rad Breza na parking prostoru pored zgrade JP „Komunalno“ Breza,
- JP „BH Pošta“ na parking prostoru koji se nalazi između pošte i Gradske džamije.

Nadležna služba će izvršiti označavanje definisanih parking mjesta.

Član 29. (Naplata parkirališta)

Na parkiralištima iz člana 27. ove Odluke kao i rezervisanim parking mjestima iz člana 28. ove Odluke neće se vršiti naplata parkiranja vozila dok se posebnom odlukom ne uredi drugačije.

Član 30. (Parkinzi za osobe sa invaliditetom)

Na javnim parkiralištima na posebno obilježenim mjestima rezervisanim za parkiranje vozila osoba sa invaliditetom, imaju pravo parkirati osobe sa invaliditetom i korisnici vozila koje na vozilu imaju istaknut važeći međunarodni znak pristupačnosti, u skladu sa odredbama Zakona o osnovama bezbjednosti saobraćaja na putevima u BiH i odredbama Pravilnika o načinu obilježavanja vozila kojim upravlja lice sa oštećenim ekstremitetima.

Član 31. (Zabrana parkiranja na javnim parkiralištima)

Na javnim parkiralištima zabranjeno je:

- Ostavljanje neispravnog ili havarisanog vozila, zbog dotrajalosti neupotrebljivih vozila, kao i vozila koja nemaju svoj vlastiti pogon.
- Zauzimanje parking mjesta putem ograđivanja (rampa, ograde i drugi predmeti koji fizički ometaju parkiranje).
- Plaketiranje, crtanje i pisanje grafita i drugih sadržaja na parkirališnoj opremi i saobraćajnoj signalizaciji na parkinzima.
- Vršenje popravke vozila duže od 15 minuta.
- Trajno odlaganje smeća, ogrevnog, građevinskog i drugog materijala.
- Vršenje bilo kakve radnje koje bi ometale nesmetano parkiranje ili oštetilo parkirana vozila.

Član 32.
(Povreda odredaba/uslova za korištenje javnog parkirališta)

Korisnik parkinga čini povredu odredaba uslova korištenja javnog parkirališta propisanih ovom Odlukom, koja će biti sankcionisana plaćanjem ugovorene kazne ako:

- ako svojim položajem parkiranja zauzima više parking mjesta,
- ako je vozilo parkirano na posebno označenom mjestu za invalidne osobe bez međunarodnog znaka pristupačnosti,

c. TAKSI STAJALIŠTA

Član 33.
(Taksi stajališta)

Lokacije taksi stajališta na području općine Breza:

- Ulica Titova – „Autobuska stanica Breza“
- Parking prostor preko puta Robota

Taksi stajališta se obilježavaju u skladu sa Pravilnikom o uslovima koje moraju ispunjavati taksi stajališta.

d. PREMJEŠTANJE NEPROPISNO ZAUSTAVLJENIH I PARKIRANIH VOZILA.

Član 34.
(Premještanje nepropisno zaustavljenih i parkiranih vozila)

Na cesti i u cestovnom pojasu, pješačkim stazama, uređenim javnim površinama, zelenim površinama i mjestima gdje je dozvoljeno zaustavljanje i parkiranje vozila, zabranjeno je ostaviti vozila koja se ne upotrebljavaju u saobraćaju zbog dotrajalosti (havarisana, neregistrovana i slično).

Ako policijski službenik ili komunalni inspektor utvrdi da se na površini iz stava 1, nalazi vozilo ostavljeno na način iz prethodnog stava, odredit će se da se takvo vozilo ukloni od strane vlasnika o njegovu trošku, odnosno korisnika i premjesti na za to određeno mjesto.

Ako je vlasnik, odnosno korisnik nepoznat, vozilo će se ukloniti na teret sredstava općine Breza dok se ne utvrdi vlasnik vozila.

VII – OBUČAVANJE KANDIDATA ZA VOZAČE

Član 35.
(Lokacija za početnu obuku)

Početna obuka za upravljanje motornim vozilima vrši se u ulici Potkrajaska, dionica od mehtefa u naselju Smailbegovići do raskrsnice kod Stare džemije i/ili na uređenim parkiralištima.

Član 36.
(Polazno mjesto za polaganje vozačkog ispita)

Polazno mjesto za polaganje vozačkog ispita iz oblasti upravljanja motornim vozilima na području općine Breza je sa parking prostora preko puta Robota, subotom ili drugi dan koji odredi Ministarstvo za obrazovanje, nauku, kulturu i sport ZDK u vremenskom periodu

od 08:00 do 16:00 sati.

VIII – DJEČIJE IGRE NA CESTI

Član 37.

(Uslovi za dozvolu dječijih igara na cesti)

Nadležna služba, može odrediti ulice u kojima će se održavati dječije igre (klizanje, sankanje, igre loptom, i sl.) na prijedlog obdaništa, škola i drugih ustanova.

Za vrijeme održavanja dječijih igara iz prethodnog stava, mora biti zabranjen saobraćaj za motorna vozila uz obavezno regulisanje saobraćaja u skladu sa Zakonom o osnovama bezbjednosti saobraćaja na putevima u BiH.

IX – PRIREDBE I DRUGE AKTIVNOSTI NA CESTAMA

Član 38.

(Održavanje priredbi i aktivnosti na javnoj cesti)

Sportske, kulturne i druge priredbe i aktivnosti na javnoj cesti, ulici i pješačkoj zoni u području općine ne smiju se održavati bez odobrenja.

Odobrenje izdaje nadležna služba.

Izuzetno, za priredbe i aktivnosti koje se održavaju u uvjetima uobičajnog odvijanja saobraćaja, nije potrebno odobrenje.

X – POSEBNE MJERE BEZBJEDNOSTI

Član 39.

(Pranje i popravka vozila)

Pranje i popravka vozila na javnim saobraćajnim površinama je zabranjeno.

Izuzetno, na licu mjesta se mogu vršiti nužne popravke na vozilu nastale u toku vožnje, samo ako se kvar na drugi način ne može otkloniti, pod uvjetom da se time ne ometa uredno i bezbjedno odvijanje saobraćaja uz obavezu isticanja odgovarajuće saobraćajne signalizacije.

Član 40.

(Obaveza označavanja opasnog ili oštećenog dijela kolovoza ili trotoara)

Ako se dio kolovoza ili trotoara ne može koristiti za saobraćaj vozila ili kretanje pješaka zbog privremene opasnosti (odronjavanje sa zgrade, skidanje snijega, radovi i sl.) izvođač radova dužan je da postavi odgovarajuće saobraćajne znakove na obje strane tog prostora.

Obavezu označavanja opasnog ili oštećenog mjesta ima i korisnik ili vlasnik infrastrukturnih instalacija.

Član 41.

(Obnavljanje horizontalne saobraćajne signalizacije)

Horizontalna saobraćajna signalizacija na saobraćajnicama, autobusnim stanicama i taksi stajalištima mora se obnavljati najmanje jedanput godišnje.

Horizontalna saobraćajna signalizacija se iscrtaava na osnovu saobraćajnog projekta.

Član 42.
(Postavljanje, održavanje i kontrola saobraćajnih znakova i oznaka)

O postavljanju, održavanju i kontroli saobraćajnih znakova, oznaka na kolovozima i druge opreme za regulisanje saobraćaja, redovno se stara nadležna služba, po službenoj dužnosti, inspekcije za ceste, komunalne inspekcije i Policijska stanica Breza, svako iz svoje nadležnosti.

XI – ZAŠTITA JAVNIH SAOBRAĆAJNIH POVRŠINA

Član 43.
(Zabrana postavljanja predmeta kojima se ometa odvijanje saobraćaja)

Zabranjeno je bez odobrenja nadležne gradske službe, na bilo koji način, na javnim saobraćajnim površinama ostavljati, postavljati, ugrađivati i sl. predmete ili materijale, ili izvoditi radove kojim se oštećuju površine i objekti koji pripadaju tim površinama, zauzimaju saobraćajne površine, ometanje, odvijanje saobraćaja ili ugrožava čovjekova okolina.

Član 44.
(Zabrana postavljanja, uklanjanja i oštećivanja znakova i opreme)

Zabranjeno je neovlašteno postavljanje, uklanjanje i oštećivanje saobraćajnih znakova i opreme puta ili izmjene značenja saobraćajnih znakova.

Član 45.
(Nadoknada nanesene štete)

Pravno ili fizičko lice koje je nanijelo štetu iz člana 43. i 44. ove Odluke, dužno je nadoknaditi štetu prema cjenovniku ili ponudi izvođača radova odmah, a najkasnije u roku od 8 dana od dana nastanka štete, prema zaključku nadležne službe ili inspekcije, a ukoliko je pokrenut sudski postupak utvrđivanje krivice, 8 dana od dana pravosnažnosti sudske presude.

XII – NADZOR

Član 46.
(Nadzor na provođenjem Odluke)

Nadzor nad provođenjem ove Odluke obavlja Policijska stanica Breza i nadležna služba i inspekcija u okviru svojih nadležnosti.

Član 47.
(Prava i dužnosti inspekcije)

Inspekcija ima pravo i dužnosti da:

- naredi otklanjanje nedostataka koji su u suprotnosti sa ovom Odlukom,
- obustavi ili zabrani radove ili radnje koje su u suprotnosti sa ovom Odlukom,
- naredi ili odobri da se poduzmu radnje ili radovi zbog dovođenja u prvobitno ili ispravno stanje,
- poduzme ostale mjere i radnje u cilju provođenja ove Odluke i drugih propisa iz ove oblasti,
- prati provođenje donešenih mjera.

Član 48.
(Otklanjanje nedostataka ili poduzimanje određene radnje)

U slučaju kad je ugrožena bezbjednost saobraćaja, te životi i zdravlje ljudi, inspektor može narediti otklanjanje nedostataka ili poduzimanje određene radnje ili radova i inspekcijskom zapisnikom, s tim što je obavezan donijeti rješenje u roku od tri dana od dana uručivanja zapisnika.

Rok izvršenja teče od dana predaje zapisnika.

Na zahtjev inspekcije, Policijska stanica Breza je dužna pružiti asistenciju policije.

XIII – KAZNENE ODREDBE

Član 49.
(Visina kazni za preduzeća ili druga pravna lica)

Novčanom kaznom u iznosu od 300,00 KM do 3.000,00 KM kaznit će se za prekršaje preduzeća ili drugo pravno lice ako:

1. izmjeni režim saobraćaja ili privremeno ograniči saobraćaj bez odobrenja,
2. postavi znakove informacije, reklamnih panoa i natpisa bez odobrenja,
3. se kreće teretno vozilo u ulicama u kojima je uvedena zabrana saobraćaja bez dozvole od nadležne službe,
4. ostavi neispravno ili havarisano vozilo na javnoj površini,
5. organizuje priredbe bez odobrenja nadležne gradske službe
6. ne postavi saobraćajnu signalizaciju za slučajeve iz člana 40. ove Odluke,
7. bez odobrenja, na bilo koji način, na javnim saobraćajnim površinama ostavlja, postavlja, ugrađuje i sl. predmete ili materijale, ili izvodi radove kojim se oštećuju površine i objekte koji pripadaju tim površinama, zauzima saobraćajne površine, ometa odvijanje saobraćaja ili ugrožava čovjekovu okolinu,
8. neovlašteno postavlja, uklanja i oštećuje saobraćajne znakove i opremu puta ili mijenja značenje saobraćajnih znakova,
9. ne postupi po aktu, nalogu, zapisniku, rješenju ili zaključku nadležnog inspektora.

Za prekršaje iz prethodnog stava kaznit će se novčanom kaznom od 100,00 KM do 300,00 KM i odgovorno lice u preduzeću ili drugom pravnom licu.

Član 50.
(Visina kazni za fizička lica)

Novčanom kaznom od 50,00 KM do 300,00 KM kaznit će se za prekršaje fizička lica ili roditelj/staratelj ukoliko se radi o malodobnom djetetu (kada je u pitanju vožnja romobila), ako:

1. vozač vozila koje prevozi opasne materije suprotno članu 14. Odluke
2. gonič stoke ako postupa suprotno članu 15. Odluke,
3. upravlja električnim romobilom na način definisan članom 19. ili suprotno odredbama člana 20 ove Odluke,
4. postavi znakove informacija, reklamnih panoa i natpisa bez odobrenja,
5. javne parkinge koristi suprotno odredbama člana 31. ove Odluke,
6. ne postpi po naredbi u predviđenom roku prema članu 34.,
7. bez odobrenja, na bilo koji način, na javnim saobraćajnim površinama ostavlja, postavlja, ugrađuje i sl. predmete ili materijale, ili izvodi radove kojim se oštećuju površine i objekte koji pripadaju tim površinama, zauzima saobraćajne površine,

- ometi odvijanje saobraćaja ili ugrožava čovjekovu okolinu,
8. neovlašteno postavlja, uklanja i oštećuje saobraćajne znakove i opremu puta ili mijenja značenje saobraćajnih znakova,
 9. ne postupi po aktu, nalogu, zapisniku, rješenju ili zaključku nadležnog inspektora.

Član 51.
(Finansiranje preventivnih aktivnosti)

Novčane kazne naplaćene po ovoj Odluci prihod su Općine Breza, a koriste se za finansiranje preventivnih aktivnosti u cestovnom saobraćaju (informativno — propagandna djelatnost, unapređenje saobraćajno — tehničke kulture, nabavke i postavljanje saobraćajnih znakova, sanacija ulica i drugih aktivnosti koje se odnose na unapređenje bezbjednosti saobraćaja).

XIV - PRELAZNE I ZAVRŠNE ODREDBE

Član 52.
(Prestanak važenja Odluke)

Stupanjem na snagu ove Odluke prestaje da važi Odluka o bezbjednosti i saobraćaja na putevima općine Breza („Službeni glasnik Općine Breza“, broj: 6/11).

Odredbe ove Odluke koje se odnose na električne romobile primjenjivat će se do stupanja na snagu Zakona o osnovama sigurnosti saobraćaja Bosne i Hercegovine kojim će biti regulisano korištenje električnih romobila, nakon čega će se primjenjivati odredbe tog zakona.

Član 53.
(Stupanje na snagu)

Ova Odluka stupa na snagu prvog dana od objavljivanja u Službenom glasniku Općine Breza.

Predsjedavajući
Općinskog vijeća



- P R I J E D L O G

Na osnovu Konvencije o pravima djeteta i Konvencije o pravima osoba sa invaliditetom ratificiranih u BiH, članova 10., 11. i 66. Zakona o socijalnoj zaštiti, zaštiti civilnih žrtava rata i zaštiti porodice sa djecom Zeničko-dobojskog kantona („Službene novine Zeničko-dobojskog kantona“, broj: 4/25- prečišćeni tekst), člana 13. stav 2. alineja 18. Zakona o principima lokalne samouprave („Službene novine Federacije BiH“, broj: 49/06 i 51/09) i člana 20. tačka 4. Statuta Općine Breza ("Službeni glasnik Općine Breza", broj: 7/21), Općinsko vijeće Općine Breza na 11. redovnoj sjednici održanoj dana __.11.2025. godine donosi:

ODLUKU
o pravu prvenstva pružanja usluga djeci i osobama sa
poteškoćama u razvoju i njihovim roditeljima/starateljima u javnim ustanovama i
preduzećima u kojima je osnivač Općina Breza

Član 1.

Ovom odlukom utvrđuje se pravo prvenstva u pružanju usluga djeci i osobama sa poteškoćama u razvoju i njihovim roditeljima/starateljima u javnim ustanovama i preduzećima u kojima je osnivač Općina Breza.

Član 2.

Nalaže se nadležnim službama u Općini Breza, svim javnim ustanovama i preduzećima na području općine Breza da u roku od mjesec dana od dana donošenja Odluke oglašavaju pravilo prednosti za kategorije navedene članom 1. Odluke na svim važnim i vidljivim mjestima unutar svojih prostora, na oglasnim pločama, web stranicama i drugim oglasnim prostorima, te da svoje uposlenike upoznaju sa Odlukom.

Član 3.

Nalaže se JU „Centr za socijalni rad“ Breza da:

- u roku od 30 (trideset) dana donese Pravilnik kojim će definisati načine ostvarivanja prava na prednost,
- izradu kartica za korisnike ovog prava uvrsti u plan Budžeta Općine Breza za 2026.godinu, te dostavi isti Općini Breza u roku od 15 dana od usvajanja ove Odluke kako bi se potreban iznos predvidio u prijedlogu Budžeta Općine Breza za 2026.godinu.

Član 4.

Javne institucije čiji je osnivač Općina Breza dužne su pozivati građane na poštivanje prava prvenstva za osobe sa teškoćama u razvoju i njihove porodice, te aktivno učestvovati u promociji društvene solidarnosti.

Član 5.

Prava utvrđena ovom Odlukom ostvaruju se u skladu sa Konvencijom o pravima djeteta i Konvencijom o pravima osoba sa invaliditetom ratificiranih u BiH, te odredbama čl. 10, 11 i 66 Zakona o socijalnoj zaštiti, zaštiti civilnih žrtava rata i zaštiti porodice sa djecom Zeničko-dobojskog kantona kao i drugim zakonskim i podzakonskim aktima iz oblasti socijalne zaštite.

Član 6.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-_____/25
Breza, _____.11.2025. godine

PREDSJEDAVAJUĆI:
Općinskog vijeća
Salkić Muamer, s.r.

Obrazloženje

Pravni osnov

Pravni osnov za donošenje Odluke sadržan je u članovima 10., 11. i 66. Zakona o socijalnoj zaštiti, zaštiti civilnih žrtava rata i zaštiti porodice sa djecom Zeničko-dobojskog kantona („Službene novine Zeničko-dobojskog kantona“, broj: 4/25- prečišćeni tekst), članu 13. stav 2. alineja 18. Zakona o principima lokalne samouprave („Službene novine Federacije BiH“, broj: 49/06 i 51/09) i članu 20. tačka 4. Statuta Općine Breza („Službeni glasnik Općine Breza“, broj: 7/21).

Član 10. Zakona o socijalnoj zaštiti, zaštiti civilnih žrtava rata i zaštiti porodice sa djecom Zeničko-dobojskog kantona („Službene novine Zeničko-dobojskog kantona“, broj: 4/25- prečišćeni tekst) glasi:

„Socijalna zaštita u smislu ovog Zakona je organizovana djelatnost u Federaciji, Kantonu i općini/gradu usmjerena na osiguranje socijalne sigurnosti građana i njihovih porodica u stanju socijalne potrebe.

Socijalnom potrebom, u smislu stava (1) ovog člana, smatra se trajno ili privremeno stanje u kome se nalazi građanin ili porodica, prouzrokovano ratnim događajima, elementarnim nesrećama, općom ekonomskom krizom, psihofizičkim stanjem pojedinca ili drugih razloga, koji se ne mogu otkloniti bez pomoći drugog lica, odnosno pomoći društvene zajednice.

U skladu sa načelima humanizma, solidarnosti, građanskog morala, socijalna zaštita porodice i njenih članova i građana pojedinaca ostvaruje se otkrivanjem i umanjavanjem, odnosno otklanjanjem posljedica i uzroka, koji dovode do stanja socijalne potrebe i sticanjem određenih prava iz socijalne zaštite.

Socijalna zaštita djeteta, u skladu sa odredbama Konvencije o pravima djeteta, ostvaruje se u najboljem interesu djeteta“.

Član 11. Zakona o socijalnoj zaštiti, zaštiti civilnih žrtava rata i zaštiti porodice sa djecom Zeničko-dobojskog kantona glasi:

„Korisnici socijalne zaštite, u smislu ovog Zakona, su lica koja se nalaze u stanju socijalne potrebe i to:

- a) djeca bez roditeljskog staranja;
- b) odgojno zanemarena djeca;
- c) odgojno zapuštena djeca;
- d) djeca čiji je razvoj ometen porodičnim prilikama;
- e) lica sa invaliditetom i lica sa teškoćama u razvoju;
- f) materijalno neosigurana i za rad nesposobna lica;
- g) stara lica, bez porodičnog staranja;
- h) lica sa društveno negativnim ponašanjem;
- i) lica ovisna o psihoaktivnim supstancama;
- j) lica i porodice u stanju socijalne potrebe, kojima je usljed posebnih okolnosti potreban odgovarajući oblik socijalne zaštite;



Adresa: Bogumilska br.1; Telefon (centrala): 032/786-020, 032/786-029

Fax: 032/786-031, 032/786-041

E-mail: vijece@breza.gov.ba; www.breza.gov.ba



k) lica koja su žrtve porodičnog nasilja i nasilja u zajednici.

Propisom općine/grada može se proširiti krug korisnika socijalne zaštite iz stava (1) ovog člana u skladu sa programima, odnosno planovima razvoja socijalne zaštite, specifičnim prilikama i potrebama“.

Član 66. Zakona o socijalnoj zaštiti, zaštiti civilnih žrtava rata i zaštiti porodice sa djecom Zeničko-dobojskog kantona glasi:

„Propisom općine/grada može se proširiti krug korisnika i prava iz socijalne zaštite utvrđenih ovim Zakonom, u skladu sa programima odnosno sa planovima razvoja socijalne zaštite, specifičnim prilikama i potrebama, a shodno mogućnostima općine/grada“.

Član 13. stav 2. alineja 18. Zakona o principima lokalne samouprave („Službene novine Federacije BiH“, broj: 49/06 i 51/09) glasi:

„Vijeće u okviru svojih nadležnosti:
obavlja i druge poslove utvrđene zakonom i statutom“.

Član 20. tačka 4. Statuta Općine Breza („Službeni glasnik Općine Breza“, broj: 7/21) glasi:

„ Općinsko vijeće u okviru svoje nadležnosti:
Utvrđuje općinsku politiku u okviru nadležnosti Općine i prati njeno ostvarivanje“

Razlozi za donošenje:

S obzirom na to da na području naše općine svakodnevno svjedočimo situacijama u kojima roditelji djece ili odrasle osobe sa poteškoćama u razvoju nailaze na prepreke prilikom korištenja javnih usluga – bilo da se radi o čekanju na uslugu u dugim redovima, neadekvatno prilagođenim prostorima, nedostatku adekvatne komunikacije u javnim ustanovama i preduzećima ili nedostatku razumijevanja i podrške od strane i službenika ali i drugih ljudi koji čekaju na uslugu. Nažalost ovakvi izazovi dodatno otežavaju svakodnevne aktivnosti osoba sa poteškoćama u razvoju i njihovih porodica, te smanjuju njihovu socijalnu uključenost.

Ovakva odluka bi pokazala visok stepen društvene odgovornosti općine Breza i bila važan korak ka izgradnji inkluzivne i empatične lokalne zajednice, s obzirom da bi Breza bila prva općina u BiH koja je uvela ovakvu vrstu prednosti za porodice u kojima živi osoba sa teškoćama u razvoju. Također, sa usvajanjem ove Inicijative i podrške od strane Općinskog načelnika i Općinskog vijeća, odnosno vjerujemo da bi se veliki broj roditelja osjećao prihvaćeno i sigurno, te blagovremeno djelovao u slučaju razvojnih teškoća kod svog djeteta."

Izvestilac:
JU „Centar za socijalni rad Breza“

Direktor
Salkić Osman



P r i j e d l o g

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 20. tačka 2. Statuta Općine Breza („Službeni glasnik Općine Breza“, broj: 7/21), a u vezi sa tačkom I Zaključka Općinskog vijeća („Službeni glasnik Općine Breza“ broj: 2/25) Općinsko vijeće Općine Breza na 11. redovnoj sjednici održanoj dana __. __. 2025. godine, donosi

ODLUKU **o subvencioniranju korisnika stalne novčane pomoći i penzionera** **sa minimalnom penzijom**

Član 1. **(Cilj javnog poziva)**

Cilj ove odluke jeste pružanje finansijske pomoći građanima Općine Breza koji su korisnici stalne novčane pomoći i penzionerima sa minimalnim penzijama kroz subvencioniranje troškova komunalnih usluga. S obzirom na povećanje komunalnih usluga koje se desilo u skorije vrijeme, cilj ovog projekta jeste pružanje finansijske olakšice kroz subvenciju komunalnih usluga građanima Općine Breza koji pripadaju najranjivijoj kategoriji stanovništva. Javnim pozivom će biti osigurane ključne informacije o pravima i beneficijama, koje će biti lako dostupne i razumljive građanima i građankama.

Član 2. **(Opšti kriteriji)**

Pravo na subvenciju javnog poziva imat će lice koje je;

- korisnik stalne novčane pomoći prema evidenciji nadležnog organa socijalne zaštite;
- korisnik minimalne penzije;

Član 3. **(Posebni kriteriji)**

Posebni kriteriji koje podnosilac zahtjeva treba ispunjavati da bi ostvario beneficije su:

- da je minimalna penzija jedini izvor finansiranja domaćinstva, te da ne postoje druge djelatnosti i izvori prihoda u domaćinstvu;
- da se prijavljeno lice ili supružnik vodi kao vlasnik brojila na adresi navedenoj u uvjerenju o prebivalištu;
- da potrošnja vode na mjesečnom nivou ne prelazi _____ m³
- da korisnik nema dugovanja po osnovu komunalnih usluga.

Član 4. **(Potrebna dokumentacija)**

Potrebna dokumentacija i način prijave na javni poziv:



Adresa: Bogumilska br.1 tel, centrala 032/786-020, 032/786-061
fax:, 032/786-041, 032/786-031
e-mail: vijece@breza.gov.ba , www.breza.gov.ba



- Popunjen obrazac/zahtjev u JU Centru za socijalni rad Breza
- Uvid u ličnu kartu ili drugi identifikacioni dokument;
- Uvjerjenje o prebivalištu/boravištu - MUP Breza;
- Kućna lista – protokol Općine Breza;
- Ček od penzije za prethodni mjesec;
- Potvrda o statusu korisnika stalne novčane pomoći izdata od CSR Breza;
- Račun komunalnih usluga za prethodni mjesec;
- Izjava člana domaćinstva da ne ostvaruju druge prihode.

Član 5. (Iznos subvencije)

Finansiranje sredstava za subvencioniranje korisnika stalne novčane pomoći i penzionera sa minimalnom penzijom će se vršiti iz budžeta Općine Breza za lica koja ispunjavaju gore navedene uslove.

Za podnosioci zahtjeva koji predaju urednu dokumentaciju i ispune gore navedene uslove ostvarit će pravo na **subvencija vode će iznositi 50% od ukupno potrošene količine vode.**

Član 6. (Procedura i način odobravanja subvencija)

Javni poziv će biti objavljen na službenim stranicama Centra, Općine Breza i Udruženja penzionera, te će kandidati koji ispunjavaju uslove imati mogućnost **prijave na Javni poziv 90 dana** nakon objavljivanja istog. Zaprimanje svih zahtjeva vršit će se svaki radni dan od ponedjeljak do petka, u prostorijama Centra Breza u periodu od 09:00 do 16:00h.

Prilikom prijave na javni poziv provesti će se određena procedura koja podrazumijeva niz određenih koraka; selekciju zahtjeva, pregled pristigle dokumentacije i obrada podataka, provjeru vjerodostojnosti navedenih podataka.

Nakon zaprimanja i obrade svih pristiglih zahtjeva, vršit će se izrada Rješenja od strane CSR Breza za sva lica koja ispunjavaju uslove Javnog poziva, te će ista biti upućena Komunalnom preduzeću radi finalnog provođenja i umanjena računa za vodu..

Član 7. (Trajanje i izvori finansiranja javnog poziva)

Program se realizuje na godišnjem nivou, s mogućnosti produženja na osnovu procjene nadležnih organa i raspoloživi budžetskih sredstava.

Član 8. (Ostvarivanja prava)

Ovaj vid novčane pomoći mogu ostvariti korisnici stalne novčane pomoći i penzioneri koji ostvaruju pravo na minimalnu penziju a imaju prebivalište na području Općine Breza, čiji je osnovni i jedini izvor finansiranja domaćinstva minimalna penzija.

Novčanu podršku ostvaruju lica koja ispunjavaju uslove propisane Javnim pozivom i raspodjelom sredstava do konačnog utroška planiranih novčanih sredstava.

Podnošenje zahtjeva sa potrebnom dokumentacijom vršit će se u prostorijama JU Centra za socijalni rad Breza i Udruženju penzionera Breza, gdje se mogu dobiti detaljne informacije i uputstva.

Član 9.
(Izvori finansiranja)

Finansiranje Javnog poziva za subvencioniranje komunalnih usluga za socijalno osjetljive kategorije i penzionere sa minimalnom penzijom će se vršiti iz budžeta Općine Breza.

Rok za prijave 90 dana od dana objavljivanja Javnog poziva.

Član 10.
(Stupanje na snagu)

Ova Odluka stupa na snagu danom objavljivanja u „Službenom glasniku Općine Breza“.

Broj: 01/1-02-_____/25

Datum: __.11.2025. godine

PREDSJEDAVAJUĆI
Općinskog vijeća
Muamer Salkić, s.r.



Na osnovu člana 13. stav 2. alineja 5. i člana 35. stav 3. Zakona o principima lokalne samouprave („Službene novine Federacije BiH“, broj: 49/06 i 51/09), člana 22. stav 2. Zakona o stvarnim pravima („Službene novine Federacije BiH“, broj: 66/13 i 100/13), člana 20. tačka 7. i člana 106. stav 3. Statuta Općine Breza („Službeni glasnik Općine Breza“, broj: 7/21), Općinsko vijeće Breza na sjednici održanoj dana _____ 2025. godine, d o n o s i

O D L U K U

o davanju saglasnosti za brisanje dijela upisa u C teretnom listu u zemljišnoknjižnom ulošku broj: 2274 k.o. Breza

Član 1.

Općina Breza kao prodavac nekretnine označene kao k.č. br. 744/49 k.o. Breza, daje saglasnost SEMPROM d.o.o. Visoko, vlasniku predmetne nekretnine, za brisanje dijela upisa iz C teretnog lista zk. ul. br. 2274 k.o. Breza, koji glasi: “Zabilježuje se zabrana otuđenja i opterećenja predmetnih nekretnina bez saglasnosti Prodavca Općine Breza, a sve u skladu sa Izjavom Kupca broj OPU-IP: 644/2024 od 19.06.2024. godine, notarski obrađen od Vesne Andrijanić, notara sa službenim sjedištem u Visokom, pri čemu je za brisanje iste zabilježbe neophodna saglasnost Prodavca”.

Član 2.

Zemljišnoknjižni ured Općinskog suda u Visokom izvršit će brisanje dijela upisa u C teretnom listu zk. ul. br. 2274 k.o. Breza nakon stupanja na snagu ove Odluke.

Član 3.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-_____/25
Breza, _____ 2025. godine

PREDSJEDAVAJUĆI:
Općinskog vijeća
Muamer Salkić, s.r.

Obrazloženje

Pravni osnov

Pravni osnov za donošenje Odluke sadržan je u članu 13. stav 2. alineja 5. i i članu 35. stav 3. Zakona o principima lokalne samouprave („Službene novine Federacije BiH“, broj: 49/06 i 51/09), članu 22. stav 2. Zakona o stvarnim pravima („Službene novine Federacije BiH“, broj: 66/13 i 100/13), članu 20. tačka 7. i članu 106. Statuta Općine Breza („Službeni glasnik Općine Breza“, broj: 7/21), koji glase:

Član 13. stav 2. alineja 5. Zakona o principima lokalne samouprave

„Vijeće u okviru svojih nadležnosti donosi odluke o upravljanju i raspolaganju imovinom lokalne samouprave u skladu sa zakonom.“

Član 35. stav 3. Zakona o principima lokalne samouprave

„Vijeće odlučuje o pribavljanju, korištenju, upravljanju i raspolaganju imovinom jedinice lokalne samouprave.“

Član 22. stav 2. Zakona o stvarnim pravima

„Nekretninama u vlasništvu osoba javnog prava raspolaže, upravlja i koristi ih tijelo koje je za to nadležno na osnovu zakona.“

Pored gore navedenog kao pravni osnov za donošenje predmetne Odluke sadržan je i u članu 20. tačka 7. i članu 106. stav. 3. Statuta Općine Breza („Službeni glasnik Općine Breza“, broj: 7/21), koji glase:

„Općinsko vijeće u okviru svojih nadležnosti donosi odluke o upravljanju i raspolaganju imovinom Općine Breza“

„Općinsko vijeće odlučuje o pribavljanju, korištenju, upravljanju i raspolaganju imovinom Općine“.

Razlozi za donošenje Odluke

SEMPROM d.o.o. Visoko, Općini Breza, podnijelo je zahtjev za davanje saglasnosti za brisanje dijela upisa iz C teretnog lista zk.ul. br. 2274 k.o. Breza, koji glasi: „Zabilježuje se zabrana otuđenja i opterećenja predmetnih nekretnina bez saglasnosti Prodavca Općine Breza, a sve u skladu sa Izjavom Kupca broj OPU-IP: 644/2024 od 19.06.2024. godine, notarski obrađen od Vesne Andrijić, notara sa službenim sjedištem u Visokom, pri čemu je za brisanje iste zabilježbe neophodna saglasnost Prodavca“.

U zahtjevu navode da su od Općine Breza, kao prodavca kupili nekretninu označenu kao k.č. br. 744/49 upisanu u zk, ul. br. 2274 k.o. Breza, u svrhu izgradnje stambeno-poslovnog objekta.

Dalje navode da im je Služba za prostorno uređenje, zaštitu okolice, geodetske i imovinsko-pravne poslove Općine Breza, izdala odobrenje za građenje stambeno-poslovnog objekta, broj: 04/1-5-19-797/2025 od 09.07.2025. godine, na zemljištu označenom kao k.č. br. 744/49 k.o. Breza.

Na osnovu izdatog odobrenja investitor je započeo izgradnju predmetnog objekta, kao i prodaju stanova i poslovnih prostora u izgradnji.

Podnosilac zahtjeva navodi, obzirom da im je za zaključenje ugovora o kupoprodaji stambenih jedinica u izgradnji potrebna saglasnost Prodavca za prodaju istih, a da je u C teretnom listu zk.ul.br. 2274 k.o. Breza, upisano: „Zabilježuje se zabrana otuđenja i opterećenja predmetnih nekretnina bez saglasnosti Prodavca Općine Breza, a sve u skladu sa Izjavom Kupca broj OPU-IP: 644/2024 od

19.06.2024. godine, notarski obrađen od Vesne Andrijanić, notara sa službenim sjedištem u Visokom, pri čemu je za brisanje iste zabilježbe neophodna saglasnost Prodavca“ iz tih razloga od Općine Breza traži izdavanje saglasnosti za brisanje Zabilježbe zabrane otuđenja i opterećenja predmetne nekretnine bez saglasnosti Prodavca Općine Breza.

Uvidom u podneseni zahtjev, priloženu dokumentaciju i pozitivne zakonske i podzakonske propise, utvrđeno je da nema smetnji da se ne udovolji zahtjevu SEMPROM d.o.o. Visoko, te se Općinskom vijeću Breza predlaže usvajanje prijedloga ove Odluke.

OBRAĐIVAČ:

Služba za prostorno uređenje,
zaštitu okoliša, geodetske i
imovinsko-pravne poslove

PREDLAGAČ:

Općinski načelnik



Na osnovu člana 13. stav 2. alineja 4. Zakona o principima lokalne samouprave („Službene novine Federacije BiH“, broj: 49/06 i 51/09) i člana 20. tačka 2. Statuta Općine Breza („Službeni glasnik Općine Breza“, broj 7/21), Općinsko vijeće Breza, na sjednici održanoj dana _____ 2025. godine, **d o n o s i**

O D L U K U

o stavljanju van snage Odluke o visini naknade za uspostavljanje prava služnosti na zemljištu u vlasništvu Općine Breza i javnim dobrima kojima upravlja i raspolaže Općina Breza

Član 1.

Ovom odlukom stavlja se van snage Odluka o visini naknade za uspostavljanje prava služnosti na zemljištu u vlasništvu Općine Breza i javnim dobrima kojima upravlja i raspolaže Općina Breza („Službeni glasnik Općine Breza“, broj 4/25).

Član 2.

Ova Odluka stupa na snagu danom objavljivanja u „Službenom glasniku Općine Breza“.

Broj: 01/1-02-_____/25
Breza, _____ 2025. godine

PREDSJEDAVAJUĆI
Općinskog vijeća
Muamer Salkić, s.r.

O b r a z l o Ź e n j e

Pravni osnov

Pravni osnov za donošenje Odluke sadržan je u članu 13. stav 2. alineja 4. Zakona o principima lokalne samouprave („Službene novine Federacije BiH“, broj: 49/06 i 51/09) i članu 20. tačka 2. Statuta Općine Breza („Službeni glasnik Općine Breza“, broj 7/21).

Član 13. stav 2. alineja 4. Zakona o principima lokalne samouprave („Službene novine Federacije BiH“, broj: 49/06 i 51/09) glasi:

„Vijeće u okviru svojih nadležnosti donosi propise o porezima, taksama, naknadama i doprinosima jedinice lokalne samouprave u skladu sa zakonom.“

Član 20. tačka 3. Statuta Općine Breza („Službeni glasnik Općine Breza“, broj: 7/21) glasi:

„ Općinsko vijeće u okviru svoje nadležnosti donosi odluke i druge opće akte kojima uređuje pitanja iz samoupravnog djelokruga Općine“

Razlozi za donošenje

Odlukom o visini naknade za uspostavljanje prava služnosti na zemljištu u vlasništvu Općine Breza i javnim dobrima kojima upravlja i raspolaže Općina Breza („Službeni glasnik Općine Breza“, broj: 4/25), propisan je način obračuna visine naknade za uspostavljanje prava služnosti na zemljištu u vlasništvu Općine Breza i javnim dobrima kojima upravlja i raspolaže Općina Breza.

Prilikom primjene odredaba ove Odluke, uočeni su određeni nedostaci, koji otežavaju određivanje visine naknade za uspostavljanje prava služnosti, koju su obavezni plaćati investitori infrastrukturnih objekata koji su u izgradnji t na zemljištu u vlasništvu Općine Breza.

Radi otklanjanja uočenih nedostataka, a obzirom da je Zakonom o eksproprijaciji FBiH propisan način utvrđivanja visine naknade za uspostavljanje prava služnosti, potrebno je Odluku o visini naknade za uspostavljanje prava služnosti na zemljištu u vlasništvu Općine Breza i javnim dobrima kojima upravlja i raspolaže Općina Breza („Službeni glasnik Općine Breza“, broj: 4/25) staviti van snage, te se predlaže Općinskom vijeću Breza usvajanje predložene Odluke.

OBRADIVAČ:
Služba za prostorno uređenje,
zaštitu okolice, geodetske i
imovinsko-pravne poslove

PREDLAGAČ:
Općinski načelnik

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinski načelnik



Bosnia and Herzegovina
Federation of Bosnia and Herzegovina
Zenica-Doboj Canton
MUNICIPALITY OF BREZA
Municipality Mayor

Broj: 01/2-04-3007/2025
Breza, 06.10.2025. godine

Općinsko vijeće

Ovdje

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA BREZA
OPĆINSKI NAČELNIK

Primljeno: 06-10-2025			
Org. jedn.	Broj	Prilog	Vrijednost

PREDMET: Zahtjev, dostavlja se. —

Poštovani,

U prilogu dostavljamo Zahtjev Javne ustanove za predškolsko obrazovanje i vaspitanje „Umihana Čuvidina“ Breza u kojem traže suglasnost za povećanje broja djece za 10% koji je propisan standardima po grupama, molim da pripremite navedenu suglasnost za sljedeću Redovnu sjednicu Općinskog vijeća.

S poštovanjem,

Prilog:

- Kao u tekstu

Dostavljeno:

- 1x Naslovu
- 1x 01/2
- 1x Arhiva



Općinski načelnik

Vedad Jusić
Vedad Jusić

JAVNA USTANOVA ZA PREDŠKOLSKO
OBRAZOVANJE I VASPITANJE
„UMIHANA ČUVIDINA“
BREZA

Broj:245/25
Brez: 30.09.2025. godine

OPĆINA BREZA
OPĆINSKI NAČELNIK
VEDAD JUSIĆ

PREDMET: Zahtjev za davanje saglasnosti za povećanje broja djece za 10% po grupama

Poštovani,

Ovim putem Vam se obraćam za davanje saglasnosti za povećanje broja djece u grupama 10% prema standardima za oblast predškolskog odgoja i obrazovanja.

Napomena: Zbog velikog broja djece na čekanju za prijem u vrtić molimo Vas za saglasnost za povećanje broja djece od 10% na broj djece koji je propisan standardima po grupama.

S poštovanjem,

Dostavljeno:

1x naslovu
1xa/a



Federacija Bosne i Hercegovine
ZENIČKO-DOBROJSKI KANTON
OPĆINA BREZA
OPĆINSKI NAČELNIK

Primljeno:	03-10-2025		
Org. jed.	Broj	Prilog	Godina
01	2-04-	3007	2025

Predsjednica Upravnog odbora

Selma Mlivić



- PRIJEDLOG

Broj: 01/1-02-____/25
Datum: 14.11.2025. godine

Na osnovu člana 121. stav 3. Statuta Općine Breza („Službeni glasnik Općine Breza“, broj: 7/21) prilikom razmatranja zahtjeva JU za predškolsko obrazovanje i vaspitanje „Umihana Čuvidina“ Breza za povećanje broja djece za 10% koji je propisan standardima po grupama, Općinsko vijeće Breza na 11. redovnoj sjednici održanoj dana 14.11.2025.godine, donosi:

ZAKLJUČAK

I

DAJE SE SAGLASNOST za povećanje broja djece za 10% koji je propisan standardima po grupa u JU za predškolsko obrazovanje i vaspitanje „Umihana Čuvidina“ Breza.

II

Zaključak objaviti u „Službenom glasniku Općine Breza“.

Dostavljeno:
1x JU „Umihana Čuvidina“ Breza
1x 01/1
1x a/a

PREDSJEDAVAJUĆI
Općinskog vijeća
Salkić Muamer, s.r